

列朝詩集

列朝詩集

丁集第九

崑崙山人王叔承

一百四十三首

匱戎政養謙

一首

沈記室明臣

一百三十二首

呂山人時臣

二十七首

盧布衣雲

十六首

李布衣璋

七首

王江寧同軌

四首

鄭山人若庸

二首

陸山人弼

十四首

黃山人克晦

四十一首

康山人從理

九首

鄒公子佐卿

二首

茅布衣添

三首

葉山人之芳

六首

顧山人聖少

一首

莫山人叔明

四首

朱太學邦憲

四首

朱錄事正初

一首

潘舍人緯

三十一首

田廣文藝衡

九首

丘知縣雲霄

六首

王舉人樂善

二首

張祐

一首

葉山人權

一首

王貢士應辰

四首

列朝詩集十九

張儒士金

三首

田

四科

一首

陳秀才公綸

六首

高

爐

一首

張秀才文介

二首

鄭惟勉

二首

王秀才瑞

一首

崑崙山人王叔承

叔承初名光胤以字行更字承父晚更字子幻吳江人少孤受博士業以好古謝去食貧贅婦家爲婦翁所逐不一錢乃携婦歸奉母而貧益其所善商生爲承父謀曰吾聞趙王賢而好客謝榛鄭若庸皆在幸舍我曹可以曳裾往乎乃治裝偕之鄭鄭已先爲承父言于王承父問知王雖好客容見必蒲伏長跽稱主臣弗屑也會商生病死葬之銅雀臺下東之齊魯北入燕客淮南少師所使草應制祝釐之作承父謝弗能日從相君直所得縱觀西苑南內之勝作漢宮數十曲流開禁中而以其間與吳興范伯橫海陵顧益卿梁溪陳貞父胡原荆定交於公車承父皆弟畜之相與悲歌縱酒訪問燕市酒人遺跡相君有所懷述使人物色之往往醉臥酒壚中久伸弗肯應久之乃謝歸母好奉佛承父亦奉佛弗能戒酒詭其母曰佛所謂米汁也原荆以御史拜杖屨縱游吳越名山水作前後吳越遊已

益卿于閩作荔子編還過貞甫于楚作楚遊編益卿開府潯陽又娶之
塞上作獄遊編而歸遂不復出年六十五而卒承父有酒德飲可一石客
或戲謂君貌類胡僧多笑而好飲豈布袋和尚分身耶少多俠邪之遊曲
宴新聲雜擁柔曼竟酒無所狎昵原荆貞父伯楨先後物故經紀其喪卯
葬其子姓有古人之誼王太倉元馭亦布衣交也再召當事有三王並封
之議承父遺書數千言謂當引大義以去就力爭不當依違兩端負主恩
而辜物望太倉亦歎服焉承父爲詩豪宕莽蒼天才爛發最爲王元美兄
弟所推敬美序其詩以爲太初讓其精渝謝遜其兼七言歌行頃刻數百
千言可喜可愕種種變幻眞能以牛溲馬勃爲藥餌嘻嗟怒罵爲文章蓋
其兄弟間之論如此然元美作五子詩不及承父僅居四十子之一而已
承父序卓濬甫之詩曰詩衰于宋元北地起而復古一代摩擬之格此其
創矣歷下一變鍛鍊陶洗脫凡腐而尚情麗然才情聲律未極變化故用
豪句構壯字自高或晦而雜疊複而致厭始多宗之後且避之也弇州與
歷下同名而異用又變而博大僻遠汪洋磅礴無所不出入安究其底則
死骨未寒非之者過于薄之者矣承父之持論若此何怪乎弇州實應且

憎陽浮慕之而實不與乎雖然承父之不爲眇君子者幾希矣

宮詞一百首并序

錄五十首

昔王仲初作宮詞百首乃其後王禹玉擬之蓋仲初寔與宦官相善而禹玉司北門直故二子寫唐宋宮中情景縹渺如画然風格稍稍降矣夫詞家不以多寡爲盛衰王少伯古宮詞不數首而標雅俊逸真遺響于春余自華陽禮茅君還月夜入蘭陵桃花園適桃花萬樹盛開氤氳花月醉傾流霞宛然漢宮春色也余故客遊長安念禁庭事非山謠所宜則聊掇故宮流澤殘芳竟點染落成此卷命吳姬倚酒歌之回首呴諸王其嘸東家之施者耶吳郡王叔承書

二八佳人三五宵儂風隨幸廣陵橋分明記得霓裳曲春夢微茫月影迷
紫翠陰陰鬪草堤柳風淡蕩舞衣吹衆中獨有宜男草羸得金釵百子池
柳外鞦韆拂綺樓舞闌初解翠雲裘玉鞭夜踏桃花馬萬朵銀燈照打迷
別苑東風報牡丹傳宣曉出望春門惜羨却覆黃羅帕護取花王待至尊
碧塵縷縷暗香溝湘簾空牀螢火流梧葉一窗眠未得月明秋水聽涼州
入宮新拜大長秋歌舞平陽夜不休一曲春聲低按拍御前飛墮玉搔頭

敕下天題法曲新書生賦奏太平春雕盤紅裯宮花采賜與傳臚第一人
何處文星動帝廬却憐狗監薦相如漢王親御蓬萊殿夜半燒燈讀子虛
十五傳歌隸太常壽陽公主教新妝朝來試弄琅玕笛零落梅花玳瑁狀
曙色參差楊柳東額頭花片點新紅思君夢落巫山雨怪底黃門問守宮
綠雲細艸濕紅巾御酒傾霞欲醉春試秦教坊新羯鼓內園初賽百花神
桃花飛雨膩青堤萬馬騎嘶錦障泥緩罷溫泉儻蹕晚絲雲狼籍霸陵西
柳榆春社鬪鶼鰈杜朱旛夾道開寒食宮愁消未盡夜暮彈過水晶臺
太平天子獵長楊羽騎千群曉鬱蒼金簇雕弓親射虎擊鮮光陽月氏王
碧眼胡兒細剪毛大宛寶馬貢天槽殿前却奏長城曲首蓿秋風紫燕驕
櫻桃纔熟報君王萬點嬌含紫玉漿未及寢園春薦去沉香亭北已先嘆
築子青青雨壓枝宮簪老盡簇銀絲待兒擘破雙蛾繭腸斷西窗有所思
紫燕雙飛花雨香青泥春老墮雕梁不知天外烏衣國可似宮中別恨長
氤氳水殿蕩朝陽夜漲桃花錦水香珍鳥千行看不禁自將金彈打鴛鴦
枝頭點點送纖霞翠閣臨春鎖麗華十月冰霜滿京國宮人爭唱後庭花
玉漏聲寒夜色虛按殘宮籍幸來疎當時御輦迎敘日曾向芭蕉葉上書

華人嘉禮詔親農萬國元季開景龍內侍半天傳玉冊百花深處見昭容
掖庭清曉降神仙爭賀青陽太子牋報出閣門分內賜滿朝皆得洗兒錢
江南江北錦帆來妾自商歌妾自哀百曲迷樓春不仕楊花飄蕩李花開
複道宜宜繡戶局燈花落盡曙煙杳春寒宵怨鬢衾薄暗挑朱簾望小星
六院諸妓獻寶新天家生日幸宜春鳳彩喚熨薺薇露曉進龍牀喜稱身
上已春回太液池天青水碧晚妝遲一痕初月垂芳樹學得紙纖折黛眉
盈盈紅暎曉妝新靜倚菱花自寫真一片青霞生襯底滿宮傳是洛妃神
山色移青入画眉綺疏春旭寄幽思蜀藤新進松花紙臨出曹娥江上碑
西清環珮水泠泠月初生雲母屏却遇王真公主到碧瑩飛照茲珠經
官草平階擁淚痕簷禽淅淅送黃昏君王豈是并州估明月梨花獨掩門
漢王擊筑慕邊愁妾抱箜篌歌塞雲莫遣玉關消息斷恨家況有術將軍
夜深刀尺燭花殷九月邊衣詔內頒不合題詩落寒絮宮愁傳遍玉門關
風流陣罷更迷藏偷入離宮伏御牀却向紫薇深處覓眼花奉着聖人裳
天上仙源水暗流漫題佳句苦吟清憇誰捨取新紅葉萬種閨情一片秋
梨園歌斷萬花天風雨寒鈴憶舊遊怪得人間傳秘曲江南春老李龜年

寶馬圖閣雕錦鞍殿前揮灑汗飛丹婕好手捧將軍賜玉甲光搖瑪瑙盤
深宮窈窕斷人烟春去春來只自憐共說髫時花底樂遊郎無數着秋千
長生秋殿夜焚香暗詔盟心禮法王手錄藏經還自寂阿環視爲李三郎
傀儡那能識幸姬含情流盼向天帷也知歌舞偏憐色何事君王怒偃師
卿雲縹緲覆長安仙仗凌霄頌百官芝草忽生涵德殿昭儀捧出侍臣看
一見君王認未真依稀聊記夢中身閒窗試作丹青像阿監鶯看拜聖人
朝元閣上翠烟橫太乙壇前白露明胄侍上皇供法曲蹋歌猶帶步虛聲
學士風流女秘書五姬更進尚宮除君王莫得虛臨幸妾在彤幃注起居
絡緯啼秋梧月深碧紗描粉繪觀音女僧聞作孟蘭會乞假中元施寶簪
一拜昭容便直廬絲綸窈窕自唐虞十年獨視通天草絲筆含春落雨書
長育無奈玉牀寒結得中官姊妹歡暗贈流蘇雙鳳帶叮嚀莫遣外家看
家本邯鄲歌舞仙龍袍從獵並金鸞玉顏恰與天顏似忽悞將軍跪馬前
詔點伶官又采詩譜翻奇調學來遲新詞半是龍標尉舞向歌前合笏枝
入宮猶自服胡麻一尺紅綃寫法華落盡苑花空是色蘋綠輕履踏春霞

龍宮紫氣驕壯游南北倚青霄蜀江萬里來春水吳嶼千尋帶草潮
夾岸帆檣揚子渡隔天雲樹廣陵橋臨流無限風塵思濁酒淋漓劍影搖
渡江望金焦憶往歲與商任叔陸伯玉游茲來陸歸商死矣感而有述

忽破風塵夢悽然感舊上游山川來往處生死別離愁沙雁青斜照江豚黑

上游乾坤汝南北無限此生浮

貞父漁大魚未

得得一獐烹之戲爲短歌

陳家小獐鹿無角細草長林春濯濯魚乎未來汝登俎頭顱作羹蹄作脯
兒童休笑余不仁仙家日日烹麒麟漁人獵人何賢否浮生生死不自有

吁嗟乎大魚揚鬚獐授首

過陳濟之精舍看寫山水圖忽聽槽牀酒聲便敲青螺佐飲成醉
山家壓酒聲涓涓有如細雨鳴春泉入門聽此發醉興何須響落宮商絃
玉缸新碧洗盃試青螺擊破江頭鮮山人酒酣不自奈胸中丘壑飛上繚
眼來山水沈周好人物頗稱吳小仙二生老死汝少年古道宵取時人憐
眼前木石渠固小天下豈少名山川糟牀有酒酬知已畫成換米換秋禾

述歸

離家四五載骨肉多猜疑生還不自分忽如夢與迷小兒不識父大兒
我歸妻子怨離別笑言仍嗟咨此別未爲久何得生酸悲明朝事行役篇
余備晨炊

上巳日吳野人烹鱠及吳化父兄弟宴集

前溪雨足溪水新夜漲桃花三尺春三月三日日初麗浮玉流觴騎醉人
偶過楊柳橋西宅魚脊蟹斷當門立船頭活蟹紫堪擊重欲滿斤闊逾尺
主人藏蟹真得宜急流之下青籠垂日飼稻子數百穗根落直過桃花時
蜀椒吳鹽落祺細寶刀香臘春葱綠雄者白肪白玉圓肝剖出黃金脂
主人有蟹不賣錢但逢嘉客留斟酌持螯豈慕尚方吟長對杜康呼郭索

金山江天閣漫興三首

楊子橋橫落日明瓜洲天晚潮生海雲忽到金山寺江氣遙吞鐵甕城
鳥外漁歌斷水烟隔江喚過打魚船鱗魚出網鮮猶活笑擲船頭三百錢
天塹悠悠爾奈何大江南北自滄波北懷莫遣神龍笑千古斜陽釣艇多

笠篋引

公無渡河河不公惜黃河猶可奈此河伯

少年行

千金寶劍萬金裝笑擲胡姬綠酒牀醉躍紫駒呼俠客東風吹入鬪雉場

鳴玉園雜景二首

山童報新水沒到櫻桃樹雙飛跋扈魚衝散落花去

並忘

鵝鶴洗清泉細眼開春曉金魚吹墨花黑却浮萍草根洗

答陳濟之雪中見寄

算雪搖空江美人隔烟水門外寄書人蘆花裏雙鯉

丁卯元日有感却寄范伯楨

仙班無乃侍臣哀龍去攀髯竟莫回誰復草書封泰獄可堪遺詔惜輪臺
百年忽有河山變萬國重瞻日月開春到定逢新禮樂周南憐汝滯蒿萊
頌天濟濟願我皇帝陛下壽萬紀小人雖生亦蠻蠻

江謠

政有何苦視虎爲甚婦人之言孔子輕信代王卽天位半賜今年租縣官
勤歲課殺人如斬荼謂虎有牙不破我家謂虎有牙不食我穀麒麟鳳凰

雨中與范伯楨登常照寺飲其弟仲昭書舍

山雨飛花訪謝連
詩細草佛燈前
前身記是維摩詰
手把醍醐坐白蓮
荆溪游櫻桃園

珠林光萬點紅亂野園芳艷奪桃花彩甘驕荔子漿女翻雙腕白鶯溜一
衣黃問是誰家勝江東顧辟疆

石湖小天台同陸生施生兄弟

石橋流水碧生涼潭樹垂陰百尺長一片晚霞生谷口羽衣如在赤城梁
濟之怪余久嘯賦雜言解嘲二首

白苧含閨怨吳蠶五月空但知桑葉綠不識茜花紅
梁鴻無好興啼及采桑時媿汝張京兆朝朝画翠眉

金陵覽古

南北乾坤壯此行西風走馬石頭城三吳往事秋濡急六代新愁暮雨生
龍虎祇今餘王氣江山千里護神京請看豐鎬艱難地迴首國陵無限情
遊觀音殿燕子磯因感梁王達磨故事

觀音高閣廻巖扉客酒憑陵燕子磯山帶石城孤寺立潮平江國亂帆飛

故宮木葉空金盃。荒渡蘆花失寶衣。我亦乘風欲西逝。少林秋老白雲歸。

仲昭約明歲遊天台雁蕩先以逍遙衣見贈作張公善權二洞歌

酬之

范生有約登翠微。天台雁蕩余當歸。山中鶴翎隨仙蹤。秋風贈我逍遙衣。
衣作逍遙游。歌酬縹緲句。江帆昨泛東西九洞府。微茫在烟樹。張公乘驥
出溟渤。青山逕作神仙宅。幽徑杳相迷。顚崖嶮如齒。七日混沌開。千年人
世隔。一城深懸窮冤天。萬奇亂鬪玲瓏石。藥田丹竈晉花深。石牀冷臥閑。
雲白西峯玉女歡。相招采芝濯足春潭碧。人生有足何輕棄。要與乾坤覓
靈異。放歌醉踏荆溪船。乘興還遊善卷寺。獨飛白雲吸龍棟。柱燒玄火雷。
靈宇探地窟。凌空蒼徘徊。兩洞百骸顛。狂秀乳結丹器寶。玉陽輝光下。有
千丈巖峩之絕壁。鳴泉百道爭。赴今忽如漢兵十萬走。趨壁上有職空倚
天之壁。嚴谿洞而陰森。今恍如層宮複道秦阿房。老蟾爲仙石爲燕山。
臺玉手。褰衣裳。野人衣袂相侵。結勝游。琨瑤憑誰泄。若川小范同我袍。白
練裁寄湖州。雪南溫更許琅玕竹。得吳學。心難足。劉郎夢落赤城深。梁謝
生詩。曉龍湫。濕草鞋。布機皆木瓢。身騎鳳凰吹紫簫。武林二月桃花雨。

明夜渡錢塘潮

董節婦

董節婦姓袁氏江西吉安之永豐人也年二十而夫死以姑在不從死許身以節事其姑良孝正德中閩寇永豐婦及姑被執婦固萬死不可辱矣又持其姑哀泣請死求賊生之會夫之兄董鳳求賊生其母亦哀泣請死賊之皆得生去同執者金生親見之云余友人胡淳爲縣永豐胡則胡節婦子也故誦節婦事甚詳節婦有遺腹子已殤殤子名行仁節婦孫矣婦今年八十有六行仁走千里來吳會乞贈言爲大母壽吾知壽非大母心也賦董節婦然胡永豐又曰有劉某妻羅氏者罵賊投井而死蓋同時矣

閩酋昔寇永豐縣董家袁婦遭兵亂不惟全節全其姑萬刃交前顏不變夫之母寧獨死夫之兄又請死豈曰婦人慚孝子悲辭鬼神憤烈氣金石聞婦求生姑子生母一時爭死天所哀至情感賊賊斂手誰其兒之金秀才董節婦節孝兩難及二十守寡逾八十寒江凍雪孤筠立有孫千里來乞文告余徃事青袍濕罵賊投井死亦奇當時更有劉家妻

雨中看垂絲海棠

江花低拂座窮冤雨中枝濕翠籠芳樹嬌紅裏碧絲驪山清被處越水流
紗時可奈風前態迷春曉酒卮

自錢塘由富春桐江抵七里灘同范仲昭

鶯柳曉發錢塘江波闊綠酒浮春釣江風吹帆三百里青山片片隨船窓
山頭挂天根挿水兩岸陰森那可已游郎如坐綠雲來人家盡住瑤屏裏
三江烟樹嗟空闊誰道龍中更奇絕陡巖嵐翠寒撲肌拂手藤花灑香雪
荆扉女兒揚茜裙映柳窓人半明滅山村酒價不用錢笑減青梗沽竹葉
風波相遇皆行邇死生肯付乾坤外采芝昨上桐君廬古星又宿嚴陵瀨

吳江舟中賦得秋懷四首

千古殘碑見渚沙閭閣山碧帶枯槎錦城烟雨迷玉國江市笙歌半酒家
暮冷雲離寧有効倅空西子尚餘花壯懷回首吳歛發得水天寒散暮鴉
蘋闊波浪接天浮憶昨江帆過石頭上國雲霞高廟晚亂山松栢孝陵秋
幾朝大政從新主百戰奇功失故侯試向鎬京探往事乾坤何得動閒愁
禮樂重開氣象新可堪詞客轉悲尊先王信有神明策此日能無老大臣

水溢河渠勞餉借兵荒謫鹹泣烟塵安危早慰蒼生望萬頃蘆花臥釣綸
受降城下橐駝群幕府也田查不聞三輔干戈消白骨九秋烽火暗黃雲
邊疆竟爾堪憂國祚昔何人議戰勲休道朔方元保障健兒猶哭李將軍

席上陳弭登抱幼弟桂郎向余看月

陳郎諧父執社社誦余詩抱弟燈前舞調人學語時笑看明月桂知是寧
馨兒若有羊家練淋漓醉墨遺

贈別益卿

往時慕游俠尚友追昔賢乃茲頗超逸舉世同所天況我肝膽交惜別能
無憐余歸向吳會君行入幽燕烹蓴鱠魚白馬西翩翩揮手各有期江
水聞此言

席上戲贈益卿幼子虎兒

怪是虎頭凝生兒復虎兒三年辭壯偉二尺骨権奇見客能觴酒寒余問
草詩風塵來燕領財輩已堪疑

鐵笛歌

有序

陳生楫家本武昌始祖以開國功官海上祖有鐵笛名銀龍失之且二

百年矣有客自海上持來生解裘贖之制古聲冽因沽酒弄梅花調余歌焉

武昌老笛名鐵龍洪武之間來浙東江湖萬里忽相失當時哭死陳家翁
流落人間二百秋蒼龍化去青天愁子孫累世覓宗器漢家寶劍周天球
或言檣李豪家得夜夜龍光射南極十年空費陳生心購問慙無萬金直
一朝海客持相換生脫貂裘婦釵釧合浦重歸明月珠精魄似識先人而
未古琅玕輕欲折孔寡參差頭尾裂丹砂錯落水銀花苔痕触盡并州鍛
薄如藤紙枯如木燈前三弄秋聲蹙萬點梅花灑席當夜半空山扣哀玉
羌兒虎踞鳴寒鴻怪蛟人立吹烟竹憶昔汝祖浮洞庭瀟湘片月開黃陵
純陽真人坐黃鸝漢江綠酒傾瑤瓶飄然將笛下東海鐵龍聲斷江風腥
汝今與箇竟何適楚水吳山愁客星汝祖從戰鄱陽瀆佩刀曾佐高皇勳
歎汝飄零把孤笛丹青竟作曹將軍牛生我亦懷青蘋袖來不川生龍麟
不如黃鸝樓前換酒聽吹笛與君醉殺湘江春

風雨泛太湖宿松陵長橋漫興

群飛鷗鷺逐鶴鵠子亦揚帆赴齊真灑鬢湖風寒氣白打船春雨浪花青

水邊萬樹來江縣雲裏雙峰出洞庭

七十二橋燈火亂野烟沽酒宿漁汀

曉過八折

殘星點點照船明敲竹寒爐賸火生推枕坐

看江市過夢中聽得賣魚聲

宿綠溪

鶯啼花落過江南

溪上人家盡浴蠶無奈羅敷春欲老隔桑紅袖把青鑑

鼙鼉蕩口好茶藜

朝人遊虎丘王進士贈同謝水部陳山人嬌人醉玉姿却似鑑

華蕩酒與高家惠泉伯仲也湖秋月白浣紗石上見西施

試問烏程第一芻

醉仙翻作酒家淹三年王元美分守浙西書來謂烏程酒濁如涇水黑若油也戲爲解嘲

上探星海未必黃河是濁流

竹枝詞十二首

月出江頭半掩門待郎不至又黃昏夜深忽聽巴渝曲起別殘燈酒尚溫

白帝城高秋月明黃牛灘急暮潮生送君萬水千山去獨自聽猿到五更

一從蕩子客長干怕說風波五百灘忽接家書心暗喜更于封外寫平安陰陰桃李晚耕遲萬里橋頭叫子規拜月歸來人語靜金釵失在竹廊西

青桑老盡茜花開新婦看蠶婆不來織得西川宮樣鉢機頭先與小姑裁

楊柳青青酒店門
阿郎吹火妾聞博子金言得文章去不記當時
蘭橈小小葉爲船
蕩漾紅粧下錦川淚落清波君不見秋風陰老並明朝
生年十五棹能開
那怕瞿塘灔澦堆郎今棹網桃花渡好把鮮魚換酒來
點點流螢送落花
春風寂寥斷琵琶人來寄與菖蒲葉說是成都造紙家
白鷺
人生井火生畲女子行商男作家撞布紅衫來換米滿頭都插牡丹花
綠酒如娟白玉瓶
酴醿花發語猩猩竹枝歌斷人無那
翠頭莫雨青

避人代語小金錢
侵曉焚香拜佛前見說嘉陵江水惡莫教風浪打郎船

俠遊行

手搏仇心血滿盆
胡姬送酒菊花間
朔風吹過飛龍馬
弟在藍田射虎來

西湖歌

蘇小墳西是妾家門前都種白蓮花
郎來好認當爐處石上塲琴覆落霞

爛溪采珠歌
隆慶戊辰夏秋時江南大旱又毒熱人多熱死則吾鄉
爛溪蚌產珠焉有徑寸走者有五色圓走盤者農漁雜采日數十百人賣可累千金爲作是歌

吳江之東雙爛溪日南合浦不足奇采來溪蚌大于斗明珠歷歷光輝

爛如銀河墮片月群星錯落流璣綠珠含笑胡僧歎走盤五色西摩尼
遯令長溪作寶市競拋禾黍穿沙泥老漁濶波以野賴兒童出沒猶鷗鷺
豈無一人二人死藏珠剖腹心相宜粒珠可換米百角朝耕夕暮良苦爲
是歲山西天雨黍龍西地震山崩移江南大旱珠豈無金多穀少寧免飢
愚民易愚折人懼笑倚斜陽坐溪樹莫得良農半化漁明年覬蛤皆堪慮

二范携酒過集周野人桂花下看陳生作画

画得苕溪歌小山青青葉桂灑松闌春來有酒還招隱萬片桃花水一灣
揚州歌四首

二十四橋邊當爐誰可憐狂成窺客坐不奈數青錢

東家女十三西家女十五夜半寒娘啼嫁與升州估

羅衣束素雲繡履裹纖玉低回不自前含嬌淵華燭
天編銀萬箱廣場鹽萬廩峩峩此鬱商日簇乳兒飲

晚渡西湖

西湖宜晚渡趁得采蓮船越女嬌吳客攀衣冉索錢

月夜宿西湖大佛頭寺

秋湖皎皎月冷冷聽罷漁歌酒欲醉試問秦望放船處白雲深鎖佛頂青

清明日遊新城觀音祠

一百六日春正濃江村片水桃花通蘭橈雙飛柳底減船頭細草搖輕紅
女郎祠前美人集驕春粉黛花神泣小姑倚嫂妹將妹佛香惹神惆雲濕
競舍金釵鑄善財笑打流鶯映花立等閒傾盡免兒國王驛彷彿酒無色
百年日日宜清明昨日無端送寒食眼前色界非非天烟花夢斷空遺鉢
青原寡婦哭何事日暮東風吹紙錢

賦得武夷君送陸無從游閩中

武夷之君家青山采芝長嘯烟霞間當時共赴幔亭宴琪花惹袖秋斑斑
三月東風又送汝青青楊柳西湖雨人生此別不易逢千里尋仙作孤旅
一尊灑碧錢塘江片帆掃白嚴陵渚三十六峰如見君應問王生醉何許
洞天石扇多異書字法定與人間殊明年遙余九曲水談玄酌酒焚枯魚

新涼

新涼樹杪來風色動銜杯簷晚蜻蜓壯籬晴蝶迴一溪秋水到滿屋苔
花開無限江南客是歌聲頹老

雨後雜興三首

秋雨欲浮村青螺上牀脚日出過東鄰船頭繫籬落
野水平溪橋波翻蓼花亂斫竹編青籃門前開蟹簖
溪娃逐晚涼雙雙戲簷底笑入荳花棚燒燈尋絡緝

送吳子化北游因簡童子鳴山人胡原判御史

廣陵湖頭磨寶刀落日正懸楊子橋椎牛置酒賽河伯白虹當座開青霄
一杯萬里行色驕虎頭將軍鬚紫毛彈鉗金精礪生火酣歌忽指攬槍高
書生能筆又能箭誰堪巧飾人前面陰山六月馬走冰俠氣淋漓心一片
玉鞍斜挂單于頭血花亂灑青袍茜行行盡葉雕蟲藝駿骨還應向燕冀
壯君慷慨十三篇老我沈冥五千字聲詩字學俱微茫男兒白手爲侯王
君不見郭汾陽生平著書曾幾行笑談將相動自得道與古聖參徜徉北
征倘見胡御史傳聲勿事詞人章言官豈無經國疏驛騎伯樂方康莊天
子垂衣御春殿相公努力當乾綱此時定容直臣口願思大體無猖狂
韓稽顙亦難恃烽烟火報胡塵黃匡衡劉向總憂國可宜魏絳宜陳湯相

顏怪領賣文者便是當年高擊筑黃金臺下胡姬家壘頭舊典王生服我亦嘗嗤廣武軍豎子英雄猶在目諸君此去功名成問余多恐黃梁熟

俠香亭是要離專諸梁鴻葬處爲周公瑕賦

闔閭城頭垂白雲周家亭子當斜曛後有專諸墓前有要離墳梁鴻客冢落其畔斷碑荒草愁氤氳雄心不朽地自爛俠骨生香天欲焚灑酒澆青天燒紙問白骨名呼千年鬼應聲如咄咄往事忽在前怒立頭上髮江風飛劙魚犧刀王僚慶忌如吹毛誰言南人太孺子吳門氣奪秦關高出閨先生五噫去春未却慕延陵豪主人知客亦已晚死同劙俠埋蓬蒿今日亭長生相逢擊鮮置酒非伯通當年三子我誰是著書學劙皆成空壁魚浪蝕五車字純鉤血死秋芙蓉行將變名姓吳市酣寘冥君無擅聲價日寫黃庭經不如剷却退筆冢酒花春滿茶蘂青君不見尊前俠香吹不了

太子寂寢成都亭

月夜晉陵酒家

晉陵明月酒家胡百斛茶蘂不論沽可道江南春色早美人十四已當壘
荆溪雜曲四首

東西二九夾孤城
一
點人煙雙鐘平試覓長橋斬蛟處
草花生苔晚風腥
女牆開遍白蒿薇
蘿葉藤花鳥亂飛
耐可銅官復鑄鑿山色照人衣
賣殘竹菌筍還來收
罷蘭花蕙又開但使山田饒
秋米何妨虎跡有莓苔
郎爲茶客走江淮
虎窟留儂賣野柴
怪底客多茶去少
紅衫典却又銀釵

冰出吳江

臘去三朝雪春來十日冰櫂鳴寒玉
破舟自浪花凝客夢天無際人烟樹
幾層吳江沙月暝雁影落漁燈

有話

相思迴夢入青扉
隔夜紅綃月色微
巫峽行雲含雨出
章臺折柳帶春歸
鏡裏新沾黛笑拂
牀頭舊舞衣怪得
鶯鶯憔悴死鴛鴦
花下又雙飛

君不見苕川席上戲贈晉陵朱說書

君不見蘇秦無賴子
開口風濤吞萬里
只爲家無二頃田
搆亂乾坤閭群蟻
張儀大笑世亦傾
妻子休愁舌未死
朱生有口亦不塵
千古舊事翻爲新
掀唇擊掌變態盡
能令人喜能令人悲
能令劉項興亡在
頃刻喚來野鬼皆生
人棚頭傀儡影中戲
英雄一往誰復真
君不見羅生水滸傳
史才別逞文

輝爛草莽雄心不自成指點罡星灑江漢馬遷丘明走筆端神機顛倒莊周幻滑稽玩世天所嗔語落蘆花秋夢斷太史弄奇左傳浮達人往往疑春秋土中髑髏難自辨霜寒草白蟲啾啾男兒有眼不如瞽無端信書被吾苦秦火微茫隔荒楚碑官國史爭頡頏回首黃梁猶在釜堯囚舜慕然不然齊東野人歷歷數玉帝閻羅老無力白日人間縱妖蠱撫劙四顧餘不平且把葡萄聽水滸

王元方見寄家繡達磨作

王家閨繡通仙靈飛針走線驚丹青渡江達磨更奇絕五文細灑朱衣明蘆花一枝帶烟色拳鬚蹙蹙懸雙睛晴光熒熒衣欲舉左看右看皆如生草堂忽墮綵雲片秋空突降西天僧飄足江心破江水回首雙峰夾驃尾生平好佛失真佛咄哉梁王真餓鬼佛家變化不可測一絲半縷皆靈宅陡覺神遊葱嶺天依然影落嵩山壁

黑雪行苦旱遣悶

去冬地動雪五尺中有黑花灑如墨春來陰霾晝分夕雪霰淋漓雷電逼識者已知今日災連年苦水旱復來農時竟月無滴雨愁窮四海愁三台

量田督課造苛法等間瀝盡蒼生血禍根雖斷冤未開毒沴燒空山斗裂
驂乘猶然能赤族郿塢金珠散空谷折檻諸君歸且官傷哉不起劉安福
死多枉殺生不生願調和氣迴昇平眼前得失倏已見當權可不憐熟名
千秋事持間聞評短歌擊天鼓天澤何時普桔槔響千村青苗落焦釜人
言旱荒悲還勝水荒苦水荒猶有草可食水荒猶有魚堪罟十家九家空
若焚筋骨脂膏墳赤土欲質無衣債無主富兒有米不能賣此其何時急
宵遁酷逾亢陽猛于虎拋却火浣衫爲把龍鬚塵懸誰吐絲綸懸誰作霖
雨安得甘霖蠲詔相并來蓋使枯氓醉天府醉天府歌且舞吁嗟嗟誰父

看梅後從太湖出吳江歸爛溪一路桃花盛開口占紀興

千巖古樹幾浮槎數盞寒英起算霞百曲清溪歸亦好五湖春水偏桃花
上已日將入西湖看桃花道遇風雨返舟溪上時左虞亦阻洞庭

梨花之興却簡

雨絲吹綠漲湖天狼籍花期逗酒船莫笑桃源春水斷梨花也失洞庭烟

范伯楨仲昭兄弟失西湖桃花之約口占寄惱

纔看藍綻又花開轉眼飛英墮酒杯若水菩山亦無賴東風不送故人來

烟月滿江漁火寒一聲孤雁下蘆洲隔天總有家書到水碧山青不耐看

巴西佑棹同行劉客

巴西佑嗟何苦大妻生大兒隨娘住隴西小兒隨小娘巴西爺自將八月賣茯苓携兒下金陵病痢六月歸埋骨蕪湖汀爺年六十九兒年十三四不知異母兄肯念同爺弟買棺不必貴買貴傷兒財費少用或多剪紙燒錢灰魂靈報汝母先歸灘瀨堆兒歸來兒歸來

風雨過鄱陽湖口望大孤廬山

亂山爲縣鎖長江江口湖開萬頃蒼湖上孤峰鏡中黛楚風吹雨一船涼

石鼓歌

嗚呼倉頡莽千古卽生史籀亦塵土太學之東孔廟門何得乾坤留石鼓奇珍歲久魂離魄古文斷落增艱澀野禽剝蘚枯皮蒼山蟲蝕土朽骨白日照猶看星斗移雨來恐有龍蛇出當年此鼓流陳倉駱駝欲載周文章貴如部鼎宜在廟祭酒却謂韓生狂後遭鄭餘稍顯異宋家始能歸大梁

黃金墳字石所醜靖康離亂鼓北走埋沒胡塵二百年或落農家春作日
文皇有意置成均敕使鬼神永訶守我曾捫讀慨風懷長揖宣尼酒杯酒
周宣昔狩岐陽時籀文爛熳天王辟石鼓隱見不可測佛龕遺字爭傳奇
大篆分流及蔡氏作者日下江河卑嶧山火逝秦王石世間墨本空棗梨
鍾王亦似涉靡麗忽瞻石鼓興慚悲時乎道變聖不免工王我遊皆其微
但願君王重古甫朝廷再植中興碑石鼓文工作主我作過

震澤普濟寺觀古榆歌

沙門老樹驚奇崛四百年來青未歇氣交古佛通精靈命落殘碑題歲月
皮爲簷石根爲鐵琥珀爲脂玉爲節曲柯倒紐上下錯尖梢反拗東西掣
扶疎入画画不成苦痕厭鈿雷神結雨餘細葉浮烟出新枝舊枝宛相蔣
飛天仙女生綠毛墮地驪龍蛻蒼骨西方雙樹何時分婆娑獨立南江濱
寒色虛搖五湖月清陰薄灑諸天雲忽漫星移過笠澤酣歌樹底流光碧
秦亡爭爭笑大夫蜀破空憐丞相怕信是僧家佛日長貝葉曇花幻今昔
苦者火燒闕里榆仲尼寂寢斯文墜今來風擊虞山枝言游慘澹文章廢
儒林喬木奈如許野寺孤根聊醉汝

采石磯弔太白

挿江采石三千尺何處蒼苔酣李白乘風夜上金陵船官錦袍明浪花赤天子將袍覆酒仙沈香亭下百花前幸臣脫靴紫貂貴妃捧硯青娥憐詞成投筆六宮羨教坊回首新聲傳一斗百篇猶未半零落風騷走江漢夜郎逐客潯陽囚一片青山魂爛漫山頭問月呼蒼旻唉微萬古空無人古人既往君亦去益中舊月年年新古今一明月大化同精靈人間傳羽蛇天上縣才名椒漿醉君還自傾釣磯采采如飛鯨安知太白不在此江東忽見長庚星

汨羅潭弔屈原

楚山逆斷楚水寒靈均死作青琅玕酒星西墮弔冤魄白雲亂點秋江蘭蕙花嬌掇湘夫人竹枝細奏雲中君吳鈎拂潭潭噴雪碧空孤月流斜暉衡岳爲几洞庭爲杯羞鷗釀海三酌楚材霞開薜荔夢欲落月出芙蓉魂忽來櫓草翠旌颯如雨星冠玉衣妓猶女女復揚靈宋玉嘯慘澹離騷映江渚舍悲投我辛夷簪北斗迴杓振南呂蒼梧冥冥帝何許鬼火青青燭艤語上官子蘭生不入荆王客死瓢游塵孤臣荒冢是魚腹明珠怒發號

龍鱗逆鱗難批光易暉七竅之心翻白狗
魑魅狐魅何代無防古蒼天不堪問自君驛破瀟湘天詞人哀愁無窮年文章爛漫與寂寥
魚螢火浮殘編功名平態空言久二儀七曜更相轍獄中易亦窮愁書六經晚漱東
歸曳揚雄賦反駢徐卿復反是非靡定端盡付葡萄鏡君也獨醒吾獨醉遠遊且學神仙蛻醉來一曲滄浪歌天公其奈漁郎何

東海游仙歌簡王學士元馭王中丞元美

臺陽仙子主家姑幼從節烈參虛無七年服氣絕烟火玉樓明月集水壺
精光射天天欲坼列宿群真自相迫憑虛密訴五千言語落天香翠納隔
塵上非時荔子紅空中當晝霓裳白一朝冉就扶桑曉海東家近蓬萊
至持星劍右揮麾芙蓉之冠簪七寶靈蛇故繞飛昇臺彷彿茅龍與青鳥
歌成混沌謝鶯嘶吹斷琅璈人世小丹霞一縷通紫京瑞華雙頰桃花明
九月九日金母宴西池波者迎乘瓊手躋萬衆灑然去青蓮擁蛻秋蟬輕
是時余坐蒼龍嶺獨鵠橫空見仙影黃菊杯搖赤羽幢知是天台籍新選
玉堂學士本仙吏怪得金闈出靈異女且閑班玉帝宮眼底英雄齊奪氣
仙機縹渺人不聞秘訣乃授瑯琊君文章信有神仙骨漆闌似更才如雲

許沽謫地爲酒狂。狂余落魄希蒙莊采真。方寸成丘壑。五獄真形醉裏藏。
自從子胥緣山後。徃徃仙人喜姓王。縹緲仙機何不有。唉倩瑯琊問南斗。
方平昨得麻姑書。五百年來別未久。它時相見崑崙嶺。滄海桑田幾重九。
希夷先生只好瞻東方。小兒善盜酒。

胡馬來

胡馬來我馬回。胡馬何驕我馬頹。我弓不及弦。我衣不皇甲。白旄足捷汝。
何用兵與鐵。不戰屈人理。或有血光夜。照居庸口。朝廷旰食天子憂。漫謂
將軍屯細柳。不顧交河水。胡馬不得行。但願陰山雪。胡馬不得越。滄浪之
天寧可知。胡歌滿地胡兒歸。得胡一首金五十。得胡十首官三秩。民間謡
言功采眞死者旣死誰爲惜。封侯在命不在勲。衛青李廣皆徒云君不見。
尹吉甫仲山甫爾外門。我內戶魏相任。何人而師而田。不足武。胡馬來勿
復啼沙黃草白江日西。

劉顧戎政叢謙一首

蘇謙字益卿。南通州人。嘉靖乙丑進士。以右都御史總督薊遼召任戎政。
戊戌七月病卒。贈兵部尚書。益卿倜儻任俠。以邊才自负。爲薦。遼兵備巡

行至一小堡從卒百餘人虜大入薄墻下益卿命大開堡門張黃蓋坐城樓下爲指麾調遣狀虜疑有伏引去其膽智如此與承父諸人爲意氣之文兄事承父老而益虔萬曆中海內縉紳稱倜儻雄駿者以益卿爲首

遼陽行寄王子幼

八月遼陽北風烈萬樹秋濤捲黃葉青天淨洗浮雲空朔漠一掃胡塵滅
幾回回首江南遊題詩却憶三年別三年別君音信稀故人念余余更切
長江雙鯉到來頓遼東孤鶴南飛絕客路年年楊柳枝笛聲處處關山月
關山月明長相思楊柳枝青不堪折神通已會于古心對面徒多一腔血
此意昔年曾告君世上交情豈堪說丈夫須爲汗灑遊憊爾區區守吳越
渤海銀魚一尺鮮閬山白叟千尋結貔貅轉戰陣雲黃麋鹿成群獵火熱
將中況多蕙草尊浮來色映蓮花鉄騎掠胡兒弓力強箭觴胡婦 笛聲咽
思君共飲夢悠悠安得君生兩飛翼

沈記室明臣

明臣字嘉則鄧縣人少爲博士弟子數奇不偶胡少保宗憲督師平倭偕
徐渭文長辟置幕府少保豁達好士微有酒失善罵嘉則吾新不少呵

醉少咏遙望見高起立嘗謔將士爛柯山上酒酣樂作請爲餽歌十章援筆立就釀酒高吟至狹巷短兵相接處殺人如草不聞聲少保起持其鬚曰何物沈生雄快乃爾命刻石置山上少保死請室中嘉則走哭墓下所爲誄備告士大夫炳其寃狀已而挾策走湖海徃來吳楚閩粵間年七十餘死于里中先後詩七千餘首今之行於世者爲豐對樓詩選凡四千餘首萬曆間山人布衣橐于詩者吳門王伯穀松陵王承父及嘉則三人爲最王元美繼二李之後狎主詞盟引同調抑異已謝茂秦故社中老宿有違言于麾下則合從以擴之用以立懂得威海內詞人有不入其門皆不奉其壇壝者其能自立者亦鮮矣伯穀才名故與烏衣馬糴相頡頏永父早多貴遊嘉則晚依宗袞三人者其聲勢皆足以自豪元美與之雅故在與周顥合之間夷三君於四十子而登胡元瑞于末五子雖未能一切據其用意軒輊猶前志也徐文長獨深憤之自引做僻窮老以死終不入其牢籠於論謝撫詩見志焉去之八十餘年詞選之隆替盛衰作者乏風氣上下歷歷可以指數識者亦可以論世云

林塘何處好箇有前溪路笑語隔花聞謌聲遠水度

謌舞向南溪前溪明月裡莫道春夜長春光似流水

春水前溪長春雲綠樹齊門前車馬散正及曙鳥啼

前溪浣紗去花落汙春泥騎馬儂邊過見郎頭自低

波水向前溪空瓶儂自提郎家溪上住只是隔東西

子夜四時謌

東風吹月出照見妾家樓蕩子從戎去邊霜尚滿頭

河漢青天轉空房丹鳥飛汗從郎背拭香是隔年衣

桂影廟閣月芙蓉葉葉霜擣衣過夜半幾日廢流黃

凍折銀瓶水塵枯寶瑟絃非關妾無夢妾夜幾曾眠

楊白花

漫天無奈白楊花何處飛來入帝家清夜踏謌愁似海月明宮樹但櫻鴉

鏡中容貌本如花內裏分明敢自誇一夜爲君憔悴盡莫令終日廢鉛華

春怨

獨抱琵琶西向秦誰憐妾是斷腸人東風吹綠新楊柳嫁得蕭郎已過春

宮詞二首

晚涼風度玉池香看盡歸鴉入建章妾貌不如蓮樣好莫將明鏡比寒塘
綠滿南園桑葉肥風光欲盡柳花飛妾生不及吳蠶死留待春綠上蓑衣

閨思

花滿汀洲燕子飛綠楊微雨画樓西殷勤寄語傷春鳥莫近郎君行處啼

遊女曲

遠態嬌姿襲蘭麝官前風柳腰肢借翠盤流雪珠衣卸珠衣歸曲房憐

後短惜春長

采蓮曲六首

生長江南慣采蓮棹諺聲裏鬪嬋娟十三十四年相亞覆領低眉各可憐
荷葉蓮枝水面齊采花歸去夕陽低綠蕪一道分南北猶有諺聲絕大限
少女明妝出采蓮雙頭並蒂獨心憐不知金釧何時墮空手來歸意惘然
白面紅妝二八春藏羞不言過東隣偶從綠水橋邊去誰道荷花妬殺人
月照波紋似鳴頭一船雙槳蕩中流采蓮不道羅裙濕啼晒雕欄夜不收

妾在江東郎在西采香曾到若耶溪同行文件低頭說淚染新紅白苧衣

采蓮童曲

小童玉不如手攀荷葉嬉鴛鴦起去花下女兒知

春闌曲

半晌閑門舉步遲東風吹柳亂絲年來難說宮中事却道西施不画眉

勸君杯

玳瑁釵頭金鳳低淺黃衫子剪銀泥麗玉寒香方二八倚市招郎兩相贈
逢花采之須及新莫待花殘空怨春人生有酒不消醉醒者何曾獨千歲
勸君堂上且銜杯春去一年才得回

雲閣簿邊功三首

大將曉臨戎偏裨夜報功自矜文字貴不重虜塵空
坐籌紓廟畧立道是邊機但拜封侯印何曾着鎗衣
虜漢不交兵都言化理平正逢承相怒不敢報軍情

少年遊

少年裘馬驕春遊直指金鞭過五侯深水桃花臨廣岸画櫺楊柳壓青樓

少年行

万朝詩集

卷六

寶馬驕嘶引少年青絲翠地鐵連錢錦街十二春風起吹得楊花滿繡鞍
夏夜曲

月白金鋪水閣閑夜涼星漢在瑤臺佳人自度前溪曲聲入荷花風裏來
凱歌

銜枚夜度五千兵密領軍符號令明狹巷短兵相接處殺人如草不聞聲

蘇州歌

閨廬城外木蘭舟朝泛橫塘暮虎丘三萬六千容易過人生只合住蘇州

綠衣

綠衣公子莫驚猜挾彈驚過戲馬臺寄語東風休著力瓊花依舊不曾開

前艷曲二首

翠被憑誰擣鄂渚巫山空自說行雲若將花比君顏色花爲東風減十分
靈和殿柳欲三眠吹盡東風未著綿張緒不來腸已斷小樓無賴夕陽前

湘水巫雲曲

湘江之水巫山雲朝暮相思那得分渺渺高堂怨巫女斑斑楚竹恨湘君

湘君巫女知何處水 中月色烟中樹只解春來幻作花不解花飛沒春路
陽臺故道竟微茫黃陵古廟久荒涼鴛鴦錦水偏齊翼鴟鴞芳洲空斷腸
斷腸復斷腸問君苦不苦解珮江邊憶楚妃采蓮渡口思交甫草色如天
染綠塵楊花似雪撲青蘋水爲帝子眼中淚雲是襄王夢裏人夢裏眼中
俱不見非煙非霧猶相眷十二峯頭画不成三湘七澤俱流逝爭得瀟花
不自由更何人共木蘭舟曲終歌罷誰無淚水遠山長空獨愁天邊鴈五
雙雙起茜紅裙色誰家女欲言不言來不來雲不成雲雨不雨煙波盡日
浩空津明月當天似鏡新晴能良夜偏忘夜若箇逢春不怨春怨春愁夜
何時歇歲歲春魂化啼鵝鴟啼破九疑天王孫泣斷蒼梧月

蕭皋別業竹枝詞十首

越江春水綠如羅雙女祠前發棹歌大宅北郊橫鮑守野橋南渡接陳婆
青黃梅氣煖涼天紅白花開正種田燕子巢邊泥帶水鵠鴟夢裏雨如烟
田小三郎唱得工七姊妹花開欲紅林靜三更鶴鳴月漢闕一陣鷗鷺風
門前竹大笋成色江上潮來草浸沙村童探叢綠楊樹野艇勝魚竿棟花
東村西村姑惡啼家家麥熟黃雲齊春蠶作繭桑園綠睡起日斜聞竹雞

雨過高田水落溝瓦橋魚上柳梢頭梅子青酸鹽似雪櫻桃紅熟酒如油
呼聲逐婦總堪憐時雨時晴各一天厨割小鮮來海市采添新僕出江田
烏桕紅紅生釋葉紫蘭茁前吐新苗龍鬚綠折風前筍鳳尾青添雨後蕉
園中高樹鳥分窠門外小池錢貼荷曉散烏鵲千點細晚歸白鷺二行多
麥熟蠻肥客可餐棟花鱗熟子盈盤家家鋸磨聲初發四月江村有薄寒

若耶詞

嫣然越女勝荷花蕩漾輕舟過若耶紅藕牽絲風欲斷綠楊掠影日初斜

采香謠

吳姬十五采紅香幾陣風飄羅帶長蓮子池頭青簇簇低飛只恐碍鴛鴦
夏宮樂

臥起丹納晝漏遲傳宣又作納涼期微風桂樹子秋殷明月荷花百子池
曹氏姑

尊前相見重咨嗟江上芙蓉幾度花記得春風吹綠髮小桃蘸畔是君家

西湖采蓴曲二首

西湖草萊勝東吳三月春波綠滿湖新樣越羅裁窄袖資來人說似羅敷

十八郎君二八娘采蘋相見手生香妾采嫁人郎未娶倩誰和作兩鶯鶯

報恩人二首

泥書纔報白頭親又向黃沙作逐臣身未拜官先上疏如君真是報恩人
臨風一讀淚千行底事封書大慨慷海草茫茫邊月白不知何地賜投荒
子夜歌三首

一曲春風子夜歌相望只是隔銀河梁開片月盈盈水不照郎君照妾多
兩曲紅綾子夜歌鴛鴦夢醒較誰多合歡不是裁縫狹織女機頭少一梭
三曲行雲子夜歌不禁朝暮眼前多雙星合處偷看月到得儂邊沒絳河

遊張公洞

昨日遊善卷已謂天下無山川今遊張公洞千驚萬怪疑爲夢嗟我壯心
欲與山爭雄大肆筆力天無功乃今欲著一語不可得始知天地之勝唯
有茲山鍾我昔探禹穴又曾躡武夷武夷峻削禹穴古那如此洞幽而奇
張道陵奈爾何何年到此騎青驥我今呼爾問踪跡爾去人間爾誰識丹
爐無火石牀寒唯有空山萬仞石萬仞之石何纍纍幻形變態將胡爲造
物無以顯靈異故此劇戲令人擬山靈欲闕闕不得天公爲之驅霧鑿

斧劈破神鬼愁。遙今萬古青霞坼。巨闕前開後通竇。暗中一線青天漏。離
奇詭怪萬狀。陳寶藏龍宮。與天嗣兩崖欹。仄愁攀援側身却。走脚在肩襟。
僻嶺崎嶇亂。撐柱把炬自照行。難前石色黝然堆。古塗臘滑十步九步失。年
華墮落千仞坑。又詫飛騰九天窟。燎滅燈昏只尺迷。萬轉千盤無路出。丹
砂夜照鬼燈紅。自有乾坤無白日。割然一隙通天明。羈列萬戶掛層城。頃
足大呼石不縮。是誰槌碎瓊樓傾。長廊飛來駕巨軒。脩簷掀突欹。朱楹橫
摩直堅互糾結。纏綿雜沓皆相成。玉柱墮地不到尺。瑤棟插天懸半壁。寂
絕閨門閉。落花闌如綺。戶迎仙客險逼重關鎮。華夷嚴同帥。府森戈戟石
乳緣結千年苔。又如五色蓮花開佛手。擎雲不可摘。玉芽迸筍何人裁。蜂
房簇擁參差向短者。五尺長者丈低張。白玉雲母屏。高寒素錦芙蓉幙。船
瓦積水寒玉膏。掬之洗眼明秋毫。恨無金丹煉紫石。出門空歎朱顏凋。吁
嗟乎平生之性嗜。登陟茲遊信足贊。吾癖二挂葛漏不敢辭。聊著狂言作
遊籍。只恐五嶽之高徒。在青雲中。猛然欲去無長風。不如坐石投壺喚玉
女。把酒一醉酬張公。

送昌山人中父

與君同庚復同里四十五年才識面
君家脊鵠忘急離我家堂前紫荆死
卽今別我何方自言只在乾坤裏
昔年嘗走齊魯間紫霞高冠白雲屢
俠骨能令壯士香高懷可使狂生醉
歌辭振落太山雲夜半登顛脫雙屣
你是秦人爾汝稱漫罵祖龍何有耳
蒙傑生身天地間只合從天任驅使
我今沽酒對君惟莫謂無能報知已

孫禹錫谿上雙藤歌

劉處之北名曰藤谿

溪上古藤如許大不但一株且兩箇
正似新春未作花斜懸亂結蔓如瓜
圈環紐块無不有微索纏綿紛五石
根強五石甕盤泥枝聯千手佛攀梯
仙八宛矣乘風御公子遙張青錦駕
花繁葉簇鱗鬚風雨初來欲飛去

青河急引上青天
綵繩牢綰甚秋千
夕陽靜照百戲舞
紫絲步障流春烟
丹霜夜染楓林下
赤此巧向秋空挂
我欲據此彈箜篌
後人不敢窺山鬼怕
最愛水邊迎理樹
夜深曾有仙姬遇
桃花不見武陵津
昔日相逢竟何處

上灘行

新安新定江水連三百六十灘在天新都縹渺高若懸上灘三老分青錢
崔值百丈牽紫烟狼牙虎鋸刀劍全鋒者利齒小亦拳雪浪濺人雷逆船
篙師著篙蒿欲千一尺一步寸莫前白日欲黑眼欲穿啼猿斷壁聞哀絃
誰家獨住青嶂邊十月花開紅可憐一聲鶯叫層雲懶

大樹村劉氏少婦打虎行

潤州城南山簇簇四月麥黃桑柘綠大樹村頭劉氏居短墻幽院參差屋
曉炊未罷日始高卒地猛虎來咆哮老小出門盡驚走大亦吠虎聲嗁嗁
虎聞犬聲急轉步一日斃之如搏兔欲從虎口奪狗還老嫗抱孫逢虎怒
劉家少婦奪老姑氣猛視虎如匹雞手提鋼叉刺虎目虎血濺面紅模糊
昨從大樹村前走少婦滌場猶暎首弱體孱然花不如徐家女子劉松婦

虎丘看月行

中秋看月何處好除却十洲與三島東南勝事說蘇州最好從來是虎丘
虎丘十畝遙連郭錯落青山盡樓閣千年霸氣効池寒一片清光水晶甃
通國如狂歌舞來木蘭載酒笙鏞作男女雜生生夜光香風鳥履吹交錯
謝吹香風真可憐三三五五各成筵千人坐滿千人坐千頃雲浮千頃烟
月華未冷羅衣濕白露如珠白蓮泣白苧歌終子夜興烏棲曲緩烏啼急
妓童似玉紫英悲艷女如花韓重思千秋死魄還生氣一夜香魂枯骨知
否魂死魄知何處明月在天人在地天上人間一種情桂花合綺相思樹
嫦娥亦是獨眠人牛女年年一問津誰家少婦今宵裏搗盡寒砧秋復春

何處放船好水深雲欲低流澌莎草上落日布帆西雨脚只在樹鷗飛不
過溪貰魚炊白飯醉聽猿猿啼

越中

樂遊何處好最愛越中山人坐午溪寂鳥眠秋水閒雲橫獨樹上雨在數
峰間欲作蘇門嘯蒼茫不可攀

偶題

何事西王母東來
謁聖君仙燈懸鳳髓
天馬照龍文甜雪
嶺州貢雕鐘聊

譯聞一時行樂處

千古恨浮雲

抗首

望西秦朝廷急用人玉

開疎控扼紫塞滿荆榛

痛昔等邊賊

嘉靖間

對漢事日非是事日弛錦衣衛輕薄沈鍾有聲邊賦語甚精明
王二月乃令則敗數而致王崇古高祖市擊之謂講虜款寡有隙
嘉靖丙戌年犯祖事孟不知所終云憐君侍從臣誰爲謝安不談笑淨胡塵

除久從子箕仲自無回有作

歲自今宵盡人從萬里歸寥涼存舊業嗚邑對春晖用似添殘淚風將浣
故衣相看吾與汝悲喜數年違

渡峽江

雨後趨官渡春陰野望迷江渾諸水聚雲雜亂山低樹濕鶯猶固風散馬
自嘶王孫行處草無奈故裏萋

張二吉父袁九齡秀才携酒至吳山館

桂館諸峰上蘭樽二妙來大江閒夕照陰磴積秋苔蟬響流風急蟲聲隱
月哀所嗟人散後鄉夢只東回

野泊

野泊投村店人烟聚一沙月搖江作練霜落樹生花近海吳天盡穿溪卻路斜流年與流水應自笑無家

過巢湖

臘月湖波穩乾坤自混茫烟霜滿四澤水氣隱三光盡日聞漁鼓高聲辨雁行孤舟兼晚歲去路總他鄉

過高郵作

淮海路茫茫扁舟出大荒孤城三面水寒日五湖霜波漫官隄白烟浮野成黃片帆何處客千里傍他鄉

行樂

行樂湖南樹清陰爲颯然微風荷葉上乳燕杖藜前草合幽人路花深羽客天所知良可待獨徃信孤煙

尋僧

久臥丈知絕尋僧出野行岸花紛委露溪竹半侵萍力倦逢人歇林昏到寺明小橋斜處立波與夕陽平

訪金二子坤

荆屋蕭蕭晚秋陽照土牆
荳花初帶蕊杞子未經霜
原憲非君病琴張是
我狂相逢只長揖一笑據胡牀

秋深

今歲氣殊暖秋深黃葉無雲常蒸遠嶠天
只到平蕪月不憐人老風難與
病蘇癢然山澤骨疊已要人扶

至日馮子喬宅分來字邦憲病不與

百年能幾聚至日且銜杯江郭連深霧庭花見小梅書雲詞客坐添線羨
人來却憶同心病難將笑口開

送王博士之括蒼

握手送王郎之官向括蒼青山連閭路流水下錢塘
春業迷衙舍秋猿雜講堂
坐看嵐氣滴日出浣衣裳

送張丞纏赴陸下邑

君向嚴陵去雲移雨歇低驛程疎雨外山色大江西訟簡知花落官閒聽
鳥啼却忘身是吏隨意坐青溪

別母

老母三年病兒仍千里行秋風吹地冷山月照霜明未別淚先下問歸誰應聲厨頭有新婦數可問藜羹

寄方三十國華

栖栖布衣者誰拂帝京塵獻賦于明主微言諷大臣雖云不得意已作有
名人何不携妻子歸耕海上春

送周象賢赴襄國左史

送君芳草路落日且徘徊倚相元宮楚襄王故愛才地當巫峽盡天入漢江迴莫學長沙傳湘靈弔不回

茲遊

山水平生願茲遊亦偶逢溪青石瓦色山轉路千重崖雨孤峰入徐霞客
聲濛灘聲風浩浩花氣草茸茸波動將崩石雲浮不盡松瀨船牽月上水碓
雜雲春宿傍魚龍窟行隨虎豹縱同行携鄭老日遙画芙蓉

木客謠

月黑山精瑞林深木客哀聖人常御寓土木未爲灾卜洛父元龜居中控

八垓農競王室起十載帝宮巍峨殿凋秦力竟華凌楚才滌陽萬作柱嶧
谷樹搜材錦柏葱蘚山音瓊蘭海東泥工輪大巧神力逞奇才木理雕龍
製梁文紫鳳裁櫂瑞風自觸簾錦庭空清移道山河盡賦稜日月廻鈴聲
聞百里塔影挂三台井幹天爲半昆明海欲回遊宵遰月飛殿畫行宮
浴散胭脂冰香瀛寶屑埃池荷夜舒發室鏡火齊聞不道越兵至誰憐楚
炬灰高明鬼自闖螭虎禍先媒勿爲爲靈沼中人龍鱗臺堯椽元不斷禹
壘同卑哉

梁王臺

分兩

日落梁王臺暮窮脈江水流水流不流只在鐘聲裡

淡行日日晴孤雲忽然起獨坐水聲中不知蓬上雨
江夜

起坐並汀花空江月自華一帆深夜渡分月過前沙

春盡日劉道士房

偶逢春盡日飲酒到斜陽冉過丹房裏青山酒更香

江曙

曙光初破水穆穆見江波小艇穿花入因知浦溆多

謁于肅愍公墓

空山下馬謁荒墳寢廟豐碑禮數尊
敢信不移鍾鼎日便忘歸燭鏤恩
松楸永閟孤臣骨天地長依九廟魂
門戶誰憐房杜少守祠閣說有雲孫

登明州郡城樓

縹渺高樓倚日曛萬山寒色大江分
橫天中斷疑爲雨截海東來半是雲
老尉亭侵龍女廟官奴城對鮑郎墳
登臨細數前朝事謂有黃戚領冠軍

仇泊胥江同君房懷古作

胥江漁火夜粼粼調罷吳趨亦愴神
廢苑空洲長是水躑躅無草不知春
滿城明月烏啼樹一市秋風鶴引人
古往今來唯有恨算山青萬百峰

瓊樓

天上瓊樓十二闌莫將容易比人間
風生漢帝延涼殿日落吳王銷夏灣
羽船遙浮瀛海金鳳笙輕度綠雲閣
南威在御西施醉先卷珠簾待月還

搔首

今古浮生亦自憐中原搔首望祁連長城北繞千秋塞大夏西開萬里天
碣石宮前鹽作海玉門關外酒爲泉秦皇漢武元英傑莫道年年但戍邊

調風臺

漢帝初平四海回大風謂激楚聲哀彭城王氣千年足苦碣寒雲萬里開
父老只知亭長去山河都屬沛公來故鄉雖飲無多日泗水依然送舊臺
長卿明府具樓船泛泖登塔同聞之吉士履善長史事在己卯七月望日二首

白鶴乘風浩蕩前錦帆飛處坐青天綵虹跨海驚橋斷寶岑沉雲咤水懸
龍蟠未深生畫雨雞聲忽起破秋烟黃茆隱約青林外半是流歸種田
中流歌吹藹紛紛水底魚龍不敢聞笛裏梅光明月落帆前山與夕陽分
溪茗晝濕空江雨奇柳晴搖別殿雲諳諳不妨沈醉後曲終錯喚小鴻君

楊花三首

連臂譜殘楊白花恨它飛去向天涯漂零幾處王孫路惆悵無人帝子來
小雨旗亭沾馬濕夕陽江郭送帆斜樓臺側畔休穿過黏着蝶絲愁惹
隨風飄泊轉霏微似雪輕盈如落雨倦蝶欲憑香夢杳游絲空逐斷魂飛

化萍雨後魚鱗細慘徑苔前燕嘴肥最是傷心三月暮長途客淚共沾衣
廢苑荒城古道邊輕如野鳥沙如煙無風亦自漫空轉有月應須闇露姍
謝女歸來空詠雪少陵何事却憎絲瓢飄欲託人間世其奈東皇不受憐

中秋夕夢中得句醒而足之

無端秋思枕前滋夢落青溪白石祠去路似從桃葉渡和諺多是竹枝詞
碑中蘇碑字蝕無人讀廢井銘存有客知幽事最多難記得綠波深處美
入期

重過錢子愚園中用壁間韻

四月廿八日

重來却怪舊遊稀綠滿郊原杏子肥翠幄晴驕微雨色青溪陰借夕陽輝
花蘋數蝶驚人散燕領雙雛傍客歸一夜鄉心生白髮越王臺下杜鵑飛

江上

林間汀上絕風塵白向支離笑此身坐石任它蒼蘚涴閒愁時許白雲隣
一枝秋色聊當座萬里青山不肯人管領乾坤閒日月杖藜高過小烏巾
顧仲方閨中留別同張玄超莫雲卿殿無美分冬字
片帆東去水溶溶敝盡春袍憶舊冬知已天涯幾行淚隣僧江上數聲鐘

到家楊柳當三月別處芙蓉是九峯爲汝相留猶未發燭花今夜故重重

從大司馬湖公過睦州道中即事呈徐文長記室

孤城全在翠微間九疊屏風繞郡環紅樹作花欹粉蝶白雲如画寫青山
戴村人共秋空遠巖漸潮隨暮雨還自笑無才足幕府也從車騎得乘閒

宿福山港候發

曳船一片暉江流候曉乘風快遠遊古戍秋花千浦月荒城楊柳數家秋
傷心戰地風前草極目飛鴻海上潮河處笛聲當夜起軍中行樂似邊州

中峯寺

樓閣翠微間鐘磬自寥寥薄僧秋日遊落葉行數里

送人之南都二首

金陵曾向酒家眠十五當盤不數錢紅版橋頭明月色娟娟猶在玉敘前
竦竦秋雨秣陵寒白露初高葉未丹欲寄愁心無處着濕君衫袖到長干

萬曆五年春有獻五色鸚起有詔入之奉賜二首

自南遙憶臘天長丹喙能言五色裳上殿雕龍新詔入西台愁殺雪衣娘
日御文華說五經烏言讌巧未曾聽長廊上怨東風裏寂寥無聲對画屏

瀟湘夜雨

九疑山色望來空客夢家山夜雨中無奈鶗鴂啼到曉黃陵廟口落花風洞庭秋月

木落天青萬里波洞庭秋色月明多不知何路長沙去只唱三洲估客歌

漁村夕照

不知誰唱白銅鞮楊柳村過卽大隄欸乃一聲風斷續打魚人背夕陽西

呂生吹笛作此別

倦倚牀月上遲自將橫竹向予吹秋深楊柳不堪折況復明朝欲別時

過崑山

桃花楊柳共西灣曾唱菱歌帶月還春色茫茫今莫問滿城烟雨過崑山

歸鴉

歸鴉數點晚霞鮮近接平蕪遠接天記得小舟雙挂席闊廬城外酒樓前

泖上

秋深泖上一經過漁舍魚罾處處多野屋無烟空綠樹夜風天畔響寒波

黃山懷仲房

碧山霜月負吹笙流水空爲石上聲白髮蒼茫竟何事逢人莫遣說長生

武陵庄

青精作飯紫草羹飽後微吟水上行不道空山曾有寺隔溪風送午鐘聲

山陰道士乞書

太子不是右軍書書罷無鶴意自疎賣扇橋頭逢酒伴王婆店裏炙枯魚

青溪

穿窓青溪盡日尋雨收風歇翠沉沉一雙燕子翻花出始覺人家住隔林

夜坐懷顧蓋卿按察

高雲南去夜郎低萬里秋風過五溪玉笛不吹江水綠美人猶在月明西

寄題長干美人趙昭陽之作

輕盈掌上艷陽新再覩昭陽殿裏人誰說大朝金粉盡一身當得秣陵春

語見溪

春風來過梨兒溪野雉低飛麥浪齊一片桑麻天氣綠養蠶時節鷗鵠啼

鶯巖山

碧牋廬空香徑微千年往跡故應非青山花草斜陽下唯見殘僧晒衲衣

過父長故業作

木連巷口夕陽斜細雨東風濕杏花
酬字堂前雙燕子不知今日屬誰家

呂山人時臣

時臣字中父鄞縣人早歲稱詩先于沈嘉則避仇遠遊歷齊梁燕趙間十年客食諸王門下旅寓章丘與李伯華論詩詞伯華曰詩必唐詞必元在章歷三時詩詞大變至青州客衡藩荅王愛其詩爲刻角東野人葉晚客濟瀋潘宣王禮之亞子謝榛年七十客死河南涉縣暮王孫中立序其詩曰山人鶴骨瘦瘠若出衣表貞介廉潔不妄交接不苟取故爲諸王侯所重

李太常伯華江上草堂雪夜出妓彈琵琶

北風吹雪畫易昏樹深竹密江上村紅燈照席不知夜忽有酒客驚呼門繫馬登堂不問姓不憇傍人卽坐定座中舉目皆英豪主人呼出外櫻桃紅絲裹地琵琶緩簾額紛香落鳳毛大小忽雷手中出須臾翻作鬱輪袍媚臉斜凝新病眼一曲低回黃金構衆客聞之各掩淚涕陽此夜我先醉天涯海角用此心古人意氣輕黃金晝然上馬出門去酒酣寒暉天

仰伯箇四十舍弟陪臣

井邑遭兵燹移家近馬湖黃巾餘黨在白髮故人無親老仍多病田荒不及租他鄉

夜月相對話窮途

寄俞八介甫讀書處

夢寐殊方外相思澤國邊山沈於毒霧天落在平川橘柚連書舍鷗鷺滿釣船五年常憶爾多病似今年

蟠岡山寺

辟公愛黃髮携我入空明拂座星流影聞鐘鳥禁聲僧從虎穴出天與石梯平一浩茫千劫吾將放此生

李郡丞邀同胡文學遊山庄和韻

風巾飄不定重上去時櫟蒼鼠翻詩橐青蟲墮酒甌苦吟還掉臂扶醉欲平頭世道吾無補何因用着愁

八月十六夜邀兆和民服民孝元叔乘涼泛月

雨歇秋方靜扶携上塌船共憐今夕好不減昨宵圓絕少潭無地除山盡是天清光溢心肯領賞愈丁年

荅唐太守久雨見懷韻

忽忽年來事栖栖老後懷鳥跡巢斷木蟻出漏空階吾道偏宜嬾江河不可排秋風一雨歇山色滿虛齋

木峰舊業寄諸族兄

歲暮寒山下溪田久廢耕亂鳥驚日出猛虎傍人行蜃島蠻夷雜鮫潭冬夏鳴林窓讀書處清夜鬼談兵

夜懷

起來喧不減策策涼風生月暗蟲聲裏人孤樹影中南極寒尚早北地候難同想到郵江上秋花滿舊叢

次李大參韻留別

河北中秋盡江南九月歸草深藏虎穴潮溝上魚磯田舍春新稻山妻補舊衣到家貧自得莫恠與君違

舟次西華

雁過停舟處徘徊野色遲城根流木抱岸角斷橋垂烟集棲堙鳥風寒牧馬陂豈堪今夜宿短笛隔船吹

伏枕舟中作

楚魂招不得哀怨此中多纖月回頭失疎星伏枕過榜人吹宿燎曙犬吠驚波毒霧寒江海勑公無渡河

夜行

小僕兼疲馬荒荒獨夜行滄江愁我處流水斷腸聲雁語知臨浦烟光似近城不知何地宿無月又三更

留別謝少府子魯

木落見中州遙連白帝愁黃河臨斷岸明月上孤舟作客已多歲還家又
長秋思若西下日寒葉滿江流

到家苦雨寄城中諸友

衰髮兼貧病歸心詎可論寒潮冰下咽饑雀雨中翻野逕蒼苔合山窓白
鶯鶯還家已十日愁絕舊柴門

江上橫峨嵋道者兼寄空塵山人

長生無術陳黃金書劍俱忘不廢琴入夜幾迴天馬走臨流一曲水龍吟
秋生鵠骨年年病月到峨嵋夜夜心未得從歸度黃石萬家霜葉越江深

舟中冬夜寄馮明府汝行

歲事驚心一葉過不知客夢夜如何臥聞群雁鳴沙磧起清眉冰羃野河
洛下帆檣淮水盡舟中言語楚人多此時別有傷離處陽斷南船商女歌
過山陽有感

黃金散盡不封侯始信浮生總浪遊漂母祠前芳草暮淮陰道上白雲秋
帆收遠寺鐘初定角轉重城水亂流多少英雄死無處何如吹笛下揚州
憶環溪草堂託張公子寄雲間沈大赤

白苧當年憶勝遊芳尊早共登樓秋風故國張公子明日雙溪沈隱簇
花氣尚憐吟處醉江聲不斷別時愁吳淞水緩鱖魚美何日重來泊釣舟
諸公邀登甘露寺留別

天風飄忽苧袍輕兩度登臨慰客情踰磬雨催山寺曉亂帆春放海門晴
江迴鍊甃三吳盡潮過金陵七澤平明日別離何處問斷腸烟樹漫蕪城

京口望揚州懷吳原柏沈肩吾

隋宮梁苑暮雲遮淮水淮山煙樹斜隔岸雨晴飛燕子渡江風暖散楊花
多情季札常爲客抱病休文未到家我亦飄蓬無所寄祇將詩酒報年華

冬日感懷

直北雲天朔氣陰中原生計幾浮沉妻孥貧病仍兵革兄弟存亡絕信音
日暮途窮何所事江空木落未喘心少年磅礴今垂老併作冰霜一醉吟
風雨登郡城

劍倚江天動遠思江南亂後獨歸遲滿城風雨收燈夕萬戶絃歌破賊時
欲採驪珠候潮落且凭雉堞看雲移終期買棹滄波上相喚妻兒理釣絲

過內鄉縣奉懷荆南主人

乍聞人語覺殊方萬疊山溪山內鄉夢裡瀟湘雲縹緲望中函谷樹青蒼
衰年不得爲秦贊多病猶堪學楚狂囊底餘金曾賣賦令人到處說元上

句章里寄城中諸社長

白石江鄉家益貧聖朝漁父不稱臣門前江水通三陽谷口人烟雜四民
手種參苓義世藥心知雞犬漢時隣却憐叔景浮雲薄留得風流一季真

齋居寄海豐楊侍郎

蓬島飛來拄杖前何勞策石遠求仙一簾雨過空青處五色霞明大赤天
江水自清漁者話松濤不响鶴丁眠閑關正好焚香坐年老何心續草玄

海門雨過同伯川賦

藻烟布地不須芟，雲島依人著隱銜。
雨歇江干流一遠，風平樹杪沒孤帆。

冬深蜃島天長黑，潮入漁汀水不鹹。
祇好釣車聊日計，海門到處鬪巉巖。

盧布衣漢

汪字潤之鄞人自號月漁處士與豐存叔沈嘉則同時倡和

夜坐

清露濕衣袂，空庭夜正深。
蟲聲緣砌久，螢火落牆陰。
靜憶爲童事，悲生向老心。
誰堪共明月，坐聽美人琴。

新秋漫興二首

短髮經秋下，衰頭藉酒紅。
小窗新得月，落葉靜鳴風。
多病惟高枕，無營任屢空。
自憐吟獨苦，仍值寂寥中。
地僻秋先到，門幽客不經。
蛩聲共吟韻，青色入丹青。
古樹斜留月，遙空靜落星。
坐驚衣袂濕，湛露滿中庭。

蘭溪舟中

客路蘭溪上，孤舟五月餘。
波迴石骨迥，沙轉竹根虛。
腥觸鷺鷗起，香傳薑

苦初東歸書一紙細語欲何如

田家吟

最是農家樂收成十月天春耕餘穀種秋稅了官錢兒女園朝日雞豚散
野田隣翁相見處凶稔說明年

夏日卽事次豐吏部

書寂雙紅掩無人共消杯睡嫌離燕語吟情鶯花開郊雨不能作池風時
復來還期閑守去載月夜遲回

書懷

入相何人間趣裝馬蹄空笑十年忙貧嫌舍北無蓮館病喜風前有竹牀
蝴蝶苔痕升雨壁螢依月色度昏墻題詩欲寄高僧去似覺身心與世忘

江上送別

潮生月亦上月白見潮青不知潮月落君去幾長亭

西亭同朱近臣送沈嘉則口號

送君江上雨未及梅根清雨急天欲昏不盡別時語

貪家吟

風雪下茆簷出門無去所淒淒兒女啼日晡猶未煮

訪友

訪友入南山扣門不聞語欲數青琅玕錯錯知幾許

偶成二首

江頭春水生江上春水長十日不出門魚苗大如掌
糴頭不出門歲月已忘記燕銜花片來知是春歸去

從軍行

朔風吹雪遍南州未見寒衣到北服却憶當年別家語誰知頭白未封侯

宮詞

暖風吹雨點宮衣又見桃花滿樹飛憶昨未央春歸裡乘園覓屋夢家歸

春日睡起次嘉則

深巷無人靜掩扉桃花香暖午風微小窓睡起支頤坐間看營巢燕子飛

李布衣璋

韓字偉卿鄞縣人萬曆初年隱士

田舍

廣陌度秋風。田家門巷同。暮花金一色。豆莢碧雙紅。藜存生理。籌車見歲功。茅柴新釀得。通社醉而翁。

客至

客至方成願。閒來醉未消。任貧急折頃。新穉飯長腰。繚謹天將吹。蜂衙海欲潮。相憐幽興熟。情至庶招達。

野興

彌望東臯上。青山亦未遐。煙嵐深邃谷。林薄兩三家。戲聚沙成塔。清環水學巴美人。湖一曲。吾欲採瑤華。

涼夜書懷

萬里瑤天界。白河夜深清。景坐來多水。雲寬窄疑棱。望茫茫東西空。懼歌
時閣生苦懷。曲宴画屏留月令。秋羅人生聚散原如夢。莫把傷心恨絲波。

入圃

細雨餘荷鋤。情不惡。山妻愛木綿。慚余種紅藥。

清江問雁

數聲江濱三更雁。孤影霜天萬里身。新冷猶如先。避雪南來應笑北行人。

王江寧同軌

同軌字行父黃岡人稚欽之從孫也以貢生爲江寧令嘗從吳明卿出遊與王介州李雲杜善作詩不多自有風格不欲寄諸公籬下撰前後耳談慕集異聞亦洪氏夷堅之流也

行山中

雨餘林氣靜山晚日光斜野店依孤樹村橋臥斷查馬嘶遙澗水犬吠隔離花白首鋤雲者春風自一家

宮怨

永巷歲難鎖殘燈黯淡花閒吹玉簫
遙月過窓紗

過山家

群峰何岌岌繞屋風篁泣雲來亞地飛不雨林光濕虎丘舟中見楊花撩亂飛入幕內感而賦之

來時門前柳芽吐到日零地鱗如許裏娜全領掌上腰纖長故鬪機中縷垂條百尺任綺綺亂絮何緣飛滿天認是雪花霑不濕喚爲梅片却成臘画舸筠簾遮不着美人執扇樓半落胥從蝶網又颺來墮向蜂鬚飛復脫

樓頭少婦方孤寢懷人起對牕夢心真惹春愁上剪刀休篆別恨尋金枕

繁恨惹愁飛轉瞬紛紛送我北蹉跎

遲時已化浮萍草應對池塘憶柳花

鄭山人若庸

若庸字中伯崑山人早歲以詩名天下趙康王聞其名走幣聘入鄴客王父子聞王父子親逐迎授席與交賓主之禮於是海內游士爭瞻慕而之趙以中伯與謝櫟故也中伯在鄴王爲庇供張子宮女及女樂數輩中伯乃爲著書採掇古文奇思千卷名曰類雋康王薨去趙居清源年八十餘始卒詩名歸集又善度曲有玉琰傳奇行世或曰榮陽生其自寓也

贈鄭十二草書

鄭虔一吸三斗酒雲毫洒墨鬼運肘驚猿韻吐出深叢之上微納爭欲走誰向高臺歌大風吹折萬木千山中睢水闊開兵甲亂海波起立飛蛟龍怒欲相攻喜若舞蟲跡螭涎遍環堵美人凝妝花精鏡俠客探丸電交叶五行十行筆不停百丈峭壁懸枯藤長林蕭蕭日將暮落葉已去蛛絲繚公孫劍術如轉燭張頓墓草幾回綠就中三昧子自解優孟未古猶楚叔酒酣擲筆氣奪虹雲夢入九霄胸中如何化作龍蛇陣一掃胡塵萬里空

代人寄遠

病骨經秋強自持寒條飛葉費相思可憐陌上垂楊柳不似君家繁

時
陸徵士彌

彌字無從江都人老爲學官弟子自號此至老治博士家古伊吾與吟哦
併日分夜不少廢又好博涉多所撰述廣陵爲南北孔道諸絕賓客結納
賢豪長者其聲籍甚嘗爲詩曰匣有魚腸堪借客世無狗監莫論才何元
朝徵賞之趙蘭谿當事議修正史請徵故知縣王一鳴故通判魏學禮太
學生王邵登生員陸彌入史館與纂修未上而罷年七十餘乃卒無從稱
詩起嘉靖末年推尊王弇州發欲鑄金頂禮弇州叙平生文字四十餘人
頤不及無從久之海內爭抨擊王李無從亦心動悔其少作而迄不能改
也有正始堂集二十餘卷王承甫評之曰皮辰以後多染時調乙未以後
乃爲陸無從詩人謂承甫前評爲確而後評未必允也自嘉靖末迄今八
十餘年七子之風聲浸淫海內重習之深淪膚易髓愛慕者固甘寄其謫
讐而抒聲者亦間墮其算曰無從而後若俞美長何無咎梅禹金濬景升
才調故自斐然皆不免論胥以沒可歎也余於王承甫沈嘉則之詩論之

詳矣

雨後登虎丘宿梅花樓僧房

高閣虛羅外扁舟暮雨殘鐘聲知客到山色入門看月出于松靜雲披片石寒

寒支公擅名理終夕奉清樽

仲春廿日發瓜渚同領使君益卿赴閩粵郭次甫吳孝甫吳叔原

送余京口是日值余初度記此留別

寶劍柳枝存翻翩向七關青山間丁戊白髮念庚寅大難千年起窮交敵子真平生孤矢在豈是戀風塵

詞于肅愍公墓

荒墳隣近鄂王宮異代孤臣伏臘同北狩忽聞哀痛詔中興多仗保釐功百年天地回元氣五夜松杉度烈風聖主祇今恢廟畧玉門聞已罷和戎

入閩關

群蠻馬上俯崔嵬海色遙臨睥睨迴萬里職方周地盡千秋風氣淡時開危峰春晚常吹雪_{雪半山最高峰六}急峽天晴忽起雷聞道粵南猶列戍將軍誰是伏波才

大安道中

薄遊歷吳楚，忽忽更南征。
春色闌門草年光，過客情山銜。紆路轉水剗，峭
嶺鳴一被風塵誤，空多世上名。

答臺

百戰餘荒臺，南歸士無幾。
草木向人啼，或是六朝鬼。

螢死

西苑無人歸，秋色揚州早。
傷心輦路傍，依舊多腐草。

禪智寺送月上人歸黃山

長蘆初問法，歸去暢玄宗。
一衲空山裏，孤雲何處逢。
寒潭獨夜月，秋雨舊
房松回首，菜萸路相思。
暝幕鐘。

無題

珠簾寂寢網流塵，舞歇歌殘已十春。
惟有香魂消不得，至今猶作夢中人。

送李季常遊白下兼寄俞公臨

三月殘鶯曉，客遊林院山。
色滿於鉤青蓮自負，名家業玉樹常開異代愁。
花外鳥衣迷夕照，帆前鷺隱春流。
新詩處處堪乘興，況得羊何好倡酬。

送丁南羽還休陽

歲杪孤裝出廣陵。醉來綠竹易沾膺。
散袋冷犯山城雪，短竿昏投水店燈。
酒及屠蘇堪奉母，經將貝葉獨依僧。
紫霄岩畔好明月，後夜思君第幾憎。

宿句曲山中酒家

襍被向天涯。蕭條寄酒家。
青山仙宅近，黃葉客途賒。

夜塔飄鈴語，風窗墮燭花。匣中雄劍在，那敢負張華。

贈金陵馬姬

杏花屋角響春鳩。沉水香殘懶下樓。
剪得石榴新樣子，不教人見玉雙鈎。

贈吳姬薛素素

纓絕鉛遺漏。欲公留髡送客意。何勸酒。闌明月生榆樹坐。久流螢點繡裙。
子夜歌來猶是夏。巫山夢去總爲雲。羞將錦字傳哀怨。清磬長依貝葉文。

秋日懷龐學博

南齋一逕入秋苦。東帶時愁長。更催旅食又看鴈。雁至家書常共落枝來。
花邊小几聽禽坐。竹裡孤琴候客閒。千載賦成傷易不遇。白頭誰惜董生才。

黃山人克晦

克晦字孔昭惠安人少好學善画或謂之曰君工画不能使画重而工詩則画重乃發憤學詩遂以詩名閩中出游匡廬嵩岳縱觀江河泰岱之勝徘徊二京遂與沈嘉則王伯穀相上下其歿也晉江黃克績刻其詩於聊城凡六卷

經居鄉范增故里

風雨過居鄉野水流活活亞父故時居蒼莽煙中閑項氏起江東力過萬人絕幕下雖無人君豈負三傑湯門介月歸玉斗碎如雪天授人何爲徒勞三示玦茫茫天地間王霸幾衰慨何事往來人爲君重嗚咽

登鼓山絕頂懷林公濟

天路蒼蒼色風泉瀲瀲未驚人境絕已覺客懷清轉石生江海分林隔雨晴故人期不至雙眼落秋城

免前都督

西馬悲鳴日非熊小獵年陰符藏鬼谷玄甲纂祈連痛哭餘孤愤報危急兩肩惟應轡閣上遺像儼生前

破山寺

禪宮渺渺聽盡曲徑故來幽日落亂松影風迴清澗流歸禽栖入暝古佛坐
深秋處佢堪昏黑諸天不可留

桃溪夜泊

清霜夜落武陵溪水上蒼烟十丈齊野鷺冷燒紅葉火村春寒接五更誰
不眠枕上多新得所過山中有舊題起問昨宵沽酒處人家只在小橋西

玄宮除夕

寒色蒼蒼落日斜空庭獨立數啼鴉石人此際方無淚羽客今宵亦有家
已判離愁消竹葉誰堪詩句頌椒花明朝攬鏡休憐色未入新年鬢已華
惠陽傷亂

東粵重來倍黯然荒村古堡暗蒼烟山中故老無耕業木上新民未種田
江燕春深巢樹腹野狐日落吠谿邊東風那管亂離事草色藤花似往年

八月初三夜月

歲月西樓已可望姮聲斷處一痕霜微粉露葉光猶淡初上風簾氣自涼
羌笛漫教悲舊曲蛾眉空與妬新妝只將今夕煥煥影預卜中秋一夜長

李中主讀書臺

別有龍池籠至水鷗涌而之洗潭下有墨池

自築書臺讀五車，錦屏千疊護殘霄。何年雲雨池中物，終古河山客裏家。
松下巖泉猶帶累，風前木筆漫生花。夕陽無限遲回意，空對高僧問法華。

同焦叔度宿清涼寺

高樓夜伴山中宿，清磬寥寥百草芬。巢鳥近人飛始覺，巖僧隔竹語相聞。
坐深四嶺渾無月，衣冷蒼松半是雲。故甲不堪歸夢遠，何時衾枕更隨君。
暮至餘干用劉隨州韻

楊葉青青柳葉齊，烟村渺渺楚江西。湖邊芳草連天綠，馬上春禽盡日啼。
渡水暝雲千片落，到城新月一痕低。遊人元自耽風景，翻向黃昏憶故蹊。

送範卿後馬上值雨作

天涯雙鬢易成絲，何處淒涼可淚垂。花下一樽相送後，雨中匹馬獨歸時。
逐臣離恨迷芳草，滯客愁心挂柳枝。明發西山風日好，道旁禪榻與誰期。

同顏範卿遊海天寺時先秋五日

湖上虛亭江上樓，一樽隨意俯滄流。朱旻正伏三庚火，綠樹先函五月秋。
雲盡匡廬間九峰，天長夢澤入孤舟。黃昏歸棹煙中發，漁唱村鎧滿渡頭。

水上虛舟得開宇

小艇浮浮定復開。鶢鶩鷺鷥共徘徊。亂餘野渡行人少。雨暗江村釣者回。

烟滿風多如落葉。沙汀水淺似膠盃。莊生同是身無繫。浪跡漂搖兩度來。

登道樓懷石山公

綠髮稱生今禿翁。道樓猶自故時雄。傷心十載論交地。極目千峰洒淚中。

碧海還生杯底月。青山不斷筆頭風。通家幸汝諸賢在。慚媿知音負乃公。

太清閣

山下看山半在天。山巔高閣更堪憐。四更海日生簷瓦。六月林風颯綺筵。

空外白飛何處雨。掌中綠遠半城烟。當時同此開窗坐。一雀翛翛若箇邊。

和黃後溪翁七夕月下聞笛

絳河垂地七襄弦。月無雲半壁。開何處。笛聲傳折柳。滿庭秋氣颯蒼苔。

遙疑靈鵲橋邊落。暗度穿針席。上來莫遣天孫聞。此曲歡情離恨正難裁。

夜宿陳爾昭竹溪山館得西字

廻磴斷橋山日西。高楓葉赤飛滿蹊。一家村巷到始覺。千樹花源行轉迷。

野夫欺虎度林黑。沙鳥避人穿竹低。欲移衾枕抱雲眠。十月白天雞空裏啼。

汲江亭中秋得江字

雲雨黃昏無處所。虛亭涼色滿空江。客中良夜秋三五。水底青天月一雙。
露氣凝珠依玉樹。桂花飛散落銀缸。相看況有同心在。手影酬歌坐竹窓。

奉和霜降祀陵

金城西北萬山頭。翠積雲蒸碧水流。千古幽燕闕自日。九朝陵寢閼清秋。
星辰影動祠官入。霜露寒生帝子愁。廣樂無聲班欲定。似聞仙蹕出松楸。

聽話西苑得鈞字

雷殿清虛太液秋。至尊多在翠仙樓。樹深宮闈東西合。月出星河上下流。
麟闕紫芝春晬晬。兔圓白鹿曉呦呦。軒轅鼎在龍淵。斷露翁風簾不上。

西城晚眺

薄暮登城暑氣微。風含睥睨欲沾衣。青山滿目慚高隱。白髮盈頭愛落暉。
水帶平蕪雙鳥下。雲連遠寺一僧歸。深杯未覺黃昏盡。漁火遙生垂釣磯。
嵩陽宮三將軍柏

人間柏大此全稀。老幹寧論四十圍。蓋偃曾傾天子葆。露寒應覆侍臣衣。
猶看連影容千騎。那識何枝葉。六飛惆悵茂陵無限樹。荒丘殘蘿草菲菲。

題画三首

江樹何霏微，遙山蒼翠裏。
秋風吹裳衣人影，橋下水。

欲遡大江流，泊舟楊柳岸。
潮上柳風吹渡，江天未旦。

江草引行路，水風吹渡橋。
故人家咫尺，門外是春潮。

送翁武舉出塞赴陳中丞幕

欲繫單于頸，長絶鏡綵絲。
出塞人應笑，入關世始知。

狼山歸道中作

前山無夕陽，猶問夕陽洞。
天寒人不行，山僧出相送。

樵歌貽盧子明

採薪入深林，唱歌出幽谷。
樵歌非無辭，辭古不可讀。

太平水閣寫西

遠影亂端帆，孤烟發殘磬。
垂綸岸岸移楊柳，遙相映。

後出塞送陳季立防秋

朔風邊月蘿，門秋画角鳴。
鳴鳴百尺樓，自著戎衣煩上策。
三年不起別，家愁

出塞行四首送郭建初歸成都幕中

鎧甲搖華鈇，戰寒發弓插羽。上雕鞍班超自有封侯骨，
世榮寧論是史官。

風拂胡沙雪作塵
樓頭吹角月華新
夜分莫作還鄉夢
塞上悲歌半越人
當時都護靜倭奴
將校功高錦連船
今日軍中思一戰
年年馬市欵單于

薊門白日寒烟闊
記室翩翩草檄才
衛霍空教尊貴甚
當年投筆有誰來

少年行

調笑胡姬夜不歸
日高春酒不停揮
下樓忽聽中山獮
白馬煙中一點飛

渡頭相送一沾衣
日暮相思不下幃
潮水莫言還有信
渡船兩日一回歸
苔竹渡邊苦竹枝
常思嶺下常思誰
奴自不言誰得會
江風江雨自應知
雲起南臺墨未濃
依然一兩暗千峰
嵩師解說當年事
臺下分明有白龍
越王城裏九山分
只見三山翠入雲
山下有山看不得
奴從何處可逢君

康州圖

亂山無徑不通樵
漁客陰陰映綠蕉
樹杪泥乾江水落
村邊沙白瘴烟消

康山人從理

從理字裕卿永嘉人好客任俠倭寇起海上偕劉將軍子嵩入吳間關兵
黃間瀕死者數四子嵩謝裕卿裕卿終不肯去子嵩拜大將建纛毘陵幕

下士日衆裕卿乃辭歸金陵子高病思見裕卿裕卿馳赴與承訣經紀後
事扶其柩至武林遠近皆義之故人朱海峰遠宦病革屬續猶張目視裕
卿裕卿撫之曰君勿憂遠道歸櫬此吾事也乃瞑裕卿跋涉水陸以其喪
歸同里王叔果走吊相向慟哭再拜謝焉裕卿居長安數年依叔果南還
買山珠浦病卒叔果以治木殮之後石表之曰康處士之墓裕卿詩多散
佚太倉曹子念其友也往哭其墓刻其詩曰二川山人集

江行序懷社中諸友

扁舟投落日遙夜楚江闊月上寒潮靜燈依野岸孤驅馳悲斷厓半落愧
樓烏一灑井州淚東流入舊都

歲暮泛彭蠡

願望極平川遙心自黯然空烟疑有地遠浪不分天暮色孤帆外寒聲落
雁邊年催長路客歸恩倍堪憐

舟中哭朱海峰

旅食悲妻子孤檠執輶行諾曾然夙昔心豈隔幽明角傍寒城詰濤蒹葭
雨聲聞關千里道君見死生情

觀音閣

古寺夕陽邊憑虛恩渺然江聲猶楚恨山色自吳年宿鳥回清磬孤舟退
野烟長廊燈影寂徐步禮金仙

再至京口有懷金焦舊遊

層城舒遠目迢遞送歸鴻歲月更新層江山憶舊蹤鐘聲春浪靜燈影導
流空愧有東林約無因問遠公

曲池草堂和韻爲項思堯賦

地臨滄海勝門向謝山偏養晦非亡世銷年祇尚玄松寒延月早花艷得
春先且謾論高臥知君在呂虔

黃河夜泊

燕雲朔雪路千重飛蓬關河歲暮縱日落帆檣隨雁驚夜寒衾枕傍魚龍
鄉書寂寞天涯淚客鬢蕭騷鐘裏空斷岸蒹葭風雨急一燈孤影聽踈鐘
吳門逢吳孝甫

握手天涯間釣磯別情歸恩兩依依年華共老芙蓉劍生事孤憐薜荔衣
雁外清砧侵坐急霜邊殘葉傍愁飛十年岐路懷君意一入青山會轉稀

鄒公，子佐卿

佐卿字汝翼，丹徒人。按察使紳之子，天性樸雅，不事本競，楷書臨黃庭經詩，工唐律，不與人爭長短，用自娛悅而已。少爲貴公子，喜遊狹斜，富於才調，集外有艷詩十卷，題曰纏頭集，佳句麗情，可歌可咏，如笛中舊恨，留金谷上，新愁問玉卮。江柳眉梢雙鎖恨，海棠春滿獨銷魂。寶鏡夜寒，齊顧影，西采春暖燕歸，樓妝粉曉沾蝴蝶。草啼江春，染杜鵑枝異流暉，影分雙翼，衣剪靈綃學六銖。小閣閒情，緘草荒空庭，微山山道花，樓前彩鳳隨仙史，陌上銀寧悵使君。春回漢水思，羽弧月滿秦宮照，卷衣玉樹經霜凝，屈戍垂楊新月挂。鞦韆揚柳調，都歌扇月柘枝香，度舞裙風襲翠香籠，條脫綵梧桐聲轉。輾轆寒明月，小樓關盼賈平陽。深院李師師，義山無題之後，不多見也。

西湖別妓

立馬江皋，問暮潮。陪醉上，客追送。人將碧草新晴去，魂對青山暮雨銷雲。已自依依，葉渡月明淒。斷風簾，瀟樓頭，濶酒春堪醉。還訪秦淮舊板橋。

官詞

頽道傳呼御輦過，遙聞仙樂動雲和。黃金縱買長門賦，逝水終慚太液波。

艷曲

碧樹映紅樓佳人是莫愁竹枝看引鳳花色笑牽牛舞龍月初落歌殘雲
欲流何妨十日酒醉殺秣陵秋

茅布衣潦

潦字平冲舟徒人幼好學不求問達閉戶著書有賴讀本義行于世詩不
攻應酬與郭佐卿韋唱和以布衣老子鄉

遼西歌

裨將分屯三十營營營火礮震天鳴縱教胡馬如征雁不敢衝盧過北平

汪司馬東巡歌

曉渡滹沱雪滿河轅門鼙鼓雜銳歌爲傳今日新司馬原是南征舊伏波

葉山人之芳

之芳字茂長無錫人以能詩出遊人間好使酒罵坐鄒彥吉與之同里繆
相延重而心殊苦之知其人亦豪士也

碧海何冥冥空光連太清白雲飛不過紅日落還生去鳥難分影遙山安

觀海

可名何當借輶背載我向東行

入新安溪

可怪新安水舟從石上行不風秋暮冷無月夜深明古木何年匱危湍幾處驚子尋猶見底曾數越江清

宿景光父

白露下疎嘯蕭條秋夜涼入門君未寢明月在繁林貧賤元同病飄零秋獨傷不堪聞蟋蟀久已怨離鄉

別楚生二首

同君楚水別獨向胥陵歸秋葉霜中盡寒帆海上稀城荒衰草遍山遠夕陽微晨是添愁處天邊一雁飛
歸人南國去鄉路入江烟遠樹低山郭寒潮淺渚田長風飄薄暮日傍殘年窮愁難爲別惟應故舊憐

暮春送別卷爲韓八題

舉蜀人自楚還蜀中

河梁日暮龍難尊送爾西游去故園湘浦月明春飲馬巴江花落夜聞猿青丘易墮天涯淚芳草空銷遠客魂何事不歸長寄念路旁誰更惜王孫

顧山人聖少

聖少字季狂吳郡南宮里人少無鄉曲之譽陷于縲絏佯狂去鄉里年四十始稱詩游燕趙齊魯間客諸王邸中死于閩王元美贈詩云季狂爲詩生避仇中夜走自詫儉煩雜不操吳音久頗鮮鱗甲腹僅餘雌黃口

送李汝學還上黨

頌益同爲客携樽復送君悲涼誰作賦南北此離群坂沒羊腸雪山橫熊耳雲相思豈無雁可待九秋闌

奠山人叔明

叔明字公遠長洲人徙居武林僻好爲詩苦思險詰務出于人所不經道高官標置每謂人透口出語大易人得無以岑嘉州目我乎群少年皆目笑之數見譏困貧亦益甚遊燕齊及楚返葬于武林自伐石爲之表曰明詩人莫公遠之墓

宿佩上人房

支公不相馬夜向窗前開釀酒醉佳客燒燈對靈山庖厨竹樹下巾舄桃花間一宿又何意廻詩重愁顏

送秦馬平表弟入京

翩翩白馬只橫行楊柳秋風去客程仗劍好言鋒似舅開樽莫爲弟辭兄
箇藏綠嶼衣邊暗樹隱蒼峯射後明聞道陽春唱高曲大都不是別離聲
季冬章少參見訪不值

欲知何事不逢君閒向青山與鶴群安得玉缸香是酒但看青茶字成文
天寒竹葉翻重翠歲晚松枝起片雲戶牖阿誰嫌寂寞自然人語絕相聞

贈別

年少辭家不畏勞山間綠樹成樓高桃花不令潭如淚和雨紛紛上客袍

朱太學邦憲

邦憲字察卿上海人父豹字子文官至福州太守邦憲性慷慨通輕俠急
人之難甚于己恥爲紈緝子弟及儒衣冠呼盧挾妓舉觥船數十不醉意
醉如也福州故吏官雲間者思報稱太守爲邦憲買田宅固辭不肯邑令
雅重邦憲日造請其廬驩飲欲請閒爲邦憲壽終不敢發言令死邦憲經
紀凡幾千里還葬趙尚書文華督師江南下教邑令故人子朱生安在其
母夫人無恙乎爲我好致之邑令一日三及門具櫓船趣行邦憲自懼備

汗褐衣詣督府尚書驛甚握手相勞苦酒酣從容爲言丈夫當乘時射取功名多顧金錢庇幼夫人甘毳何用硜硜守匹夫之節乎言之再至于三邦憲三辨之尚書歎息曰福州有子我所不逮也尚書敗人無敢名爲尚書客者邦憲爲人語尚書輒拊膺流涕人以此益多之邦憲好讀書稱詩多長者之游數千里內信使趾屬於道所最厚善爲四明沈明臣吳門王輝登邦憲沒明臣哭之過時而悲且與輝登並爲立傳其歿也四明余寅移書邵御史請祀諸賢宗

會稽獄中訪徐文長

荆軻

廿載神交意氣同相逢有淚洒陰風箇與擬作五經笥園室今爲一畝宮獄吏未能書牘背俠徒那得載車中天王何日封三府不使沉冤射白虹七首無功壯士醜函封可惜將軍首秦庭一死謝田光社稷何曾計存否不知秦王環柱時舞陽在前何所爲當時太子不早遺待客俱來應未知

寒夜集家兄園居有懷唐光祿三丈

騎馬衝寒共出城一尊胥夢悵歡情棋聲到樹鳥不定池影入窗人倒行

林滿清霜山更瘦地留殘雪月逾明天涯忽憶離群客長樂聞鐘夢未成

張左虞燕京惠詩却寄

迅風激高雲朔雁正南翔良友在長安寄我詩數行悅聞漸離筑忽灑燕
山霜肝膽兩相照然諾安能忘結轡爾優游塊處吾彷徨久挾三千騎不
共侏儒囊空射箭頭書無益聊城亡嗟嗟竟自頭蓬蒿淚沾裳丈夫抱遠
畧策名在疆場不知漢天子曾復問鴻唐

朱監事正初

正初字在明靖江人嘉隆間官光祿監事家富好客沈嘉則王伯穀諸人
皆客其家

無題

長干車馬少年同此夕翻疑似夢中楊柳有聲吹作笛梅花無數落隨風
春山尚闌繩間翠夜月都消枕上紅惆悵當時歌舞處夕陽猶照小橋東

潘舍人緯

緯字仲文一字象安歙縣人岳岩能詩家於白晝之下隱居誦讀不妄交
與興化李文定公在政地延致門下凡十年蕭然布素無所于請興化去

國試鎖院不中入貲爲武英殿中書舍人萬曆中致仕歸。王仲房曰：仲文年少攻詩不甘常調，雖羽翼方翔而心力知厚負矣。余觀仲文詩文苦精思，擺落凡近，如秋水芙蓉亭亭自遠。仲房亟稱其郭外關河遠樽前歲賦殘旅館，午寒閑江城。秋雪飛未足，蔽門文也。隆萬間，供中主盟白榆結社，醞釀肥厚之詞，薰灼海內。仲文厚自拂拭，翛然自遠視。一時才筆之士殆如獨鶴之在鷄群，而時人或未之知也。當與其眼人共推之耳。

送友人北遊

樽酒慰行軒，交深敢贈言。經過鄭莊驛，好問孟嘗門。一諾休輕許，千金未是恩。年來長送客，此意不曾論。

簡方際明

昨暮登樓處，雨收溪上村。此時見新漲，直到君家門。舊岸集漁網，高丘藏釣綸。嘉魚坐可辦，好約同開樽。

夏月過余松泉先生溪園

花榭竹爲垣，幽陰坐處繁遙疑。原上日不到，水邊村山雨帶雲。集漁網高丘，藏釣綸嘉魚坐可辦。好約同開樽，夏月過余松泉先生溪園。

寄題方山人陵陽別業

方干有舊業本在青溪東近卜陵陽隱因懷龐德風百年畊甿上八口寄
菴中獨羨漁樵但能將出處同

冬夜奉懷從兄汝和時在江西

予行江水北君行江水西兩鄉千里隔一夢幾迴迷雨雪連天遠梅花落
月低所思何處在殘夜聽鳴鶴

荅方僉憲定之先生

時蓮長弃置身踐寐交親方學漁樵業甘爲農圃隣坐愁生白髮出畏染
繙塵十載攻詞賦無媒只舊貧

賦得雙佩劍送方生赴幕府

延津雙玉虹神物合雌雄易用千金購難爲一割功塵埋餘斗氣歲遠結
陰風感激封侯去龍鳴出匣中

春日憶山中舊隱

及茲農事候令子歸不聞本無西疇耕爲趁東疇還舊廬在林莽樹石繁
其間時春方雨餘知鳥聲關關門柳烟柔條蘿逕苔斑澗鳴始流泉座

對初青山寓

目但成景優仰多歡顏

此鄉能似否寧不思迴輶

過蔣用冷翁大參休園喜鴻臚諸昆載酒留集

游生風雅存吳代蘋蘭蓀修竹仍三徑

善楊白一村啼鶯呼過客幽草映

閭門舊識來苦侶重憐載酒樽

邗江逢歐楨伯學博余昨過廣陵以夜半渡關失訪後移官偶遇

賦贈

廣陵關外路夜半夢中過騎鶴人逢忙聽雞客誤多去來同雨雪吏隱各

煙波拂得新詩別相思日日歌

官莊春暝

一徑掩蒿蓬孤村煙靄中鳴蛙出水曲宿鳥曉花叢高樹留殘照遙山映

暮空無人伴幽興招月聽絲桐

春日官莊

幽居近喜卜東溪遠市依依隔水西隄柳漸迷來客駕山花自發野人蹊

遊魚晴戲陂塘暖雉雉朝飛蘿蔓齊更好林鶯聽不盡雙柑斗酒日勞携

官莊晚霽

平原眺晚霽百里見蒼山鳥帶浮雲
人從草靄還村童過雨集野老到
秋閒倚杖逍遙者聽蟬竹逕間

山中贈友人

西園獨偃息伏枕連朝昏送客偶出戶看雲還倚門田蓋沒平野木落見
前村隣爾幽懷者時來相與論

夏日溪堂

村居無廣廈松竹自成陰長日林中臥風枝落布衾時憐野漁唱復愛幽
蟬吟孤酌還乘興臨流理素琴

宿白嶽社山中

白社負幽期青山寄空宅偶携林中夕重臥嵒下石雲歸忽閉關月出更
留客不着塵夢還潺湲響終夕

送徐汝搏還三衢

憐君遠爲別風色敝裘寒郭外關河遙轉前歲艱殘人歸始蔑國帆過子
陵灘夾岸梅花發相思好奈看

蠻江秋暮

家遠信音稀懷歸未得歸途窮劖空在性懶念多尋旅館午寒閉江城秋
雪飛還漸京兆客何事泣牛衣

過方別駕市上園

久爲絃歌出仍無三徑資還山種松菊傍舍葺園池門閉喧能隔庭閒鳥
亦知一樽時自醉猶笑棄官遲

鸞婦吟

采桑復采桑無嗟爲蠶饑食君筐中菜還君機上絲還君絲織君綺貧女
養蠶不得着惜爾拙絲爲人死

初夏同王應鳳余日章汪以仁以敬過余子玉園居

背市園居寂到門芳草深呼童出貰酒留客坐鳴桑鳥作聲春語松生入
夏陰求羊無夙約開逕自相尋

上渡

渡頭風雨急橋斷夜來水時有漁舟人招招者誰子

松石臺

倚松踞磐石無伴坐亦好不信石無塵松風與灑掃

聖駕九日天壽山登高賦三閣下

懷輿九日駐郊圻清蹕傳呼上翠微朔塞秋聲連画角陵闈霸色雜朱旛
千官馬逐層巖轉萬乘龍隨蹬道飛欵記明良遊豫盛野人終愧賦才非
出郊與黃古父言別

策蹇出都俱莫問笑彈長劙對銀缸虛傳郭隗臺千尺誰賜虞卿璧一雙
林下放歌俱白首門前把釣有滄江也知西掖還東閣且趁南風臥北窗
應制賦禁中柳絮

日暖長楊露乍晞棲臺無處不霏霏纔隨漢苑春風起忽作梁園暮雪飛
案上花生供奉筆墀頭彤落侍臣衣不因賦質輕微甚那得吹噓到禁闈

曾謂千金意能酬

一飯恩徃來人下拜猶是爲王孫

瑞蓮應制二首蓮生慈寧宮奉大士盆中九華五色

盆作金龍百寶裝波心常現玉臺光新秋一朶青蓮涌三十公宮聞妙香
瑤池浪說千年廟玉井虛傳十丈花爭似九華開五色西天瑞現帝王家

漢宮詞

棄置長門鬢欲華後宮又道選良家君恩好似三春雨半爲開花半落花

過友人園題壁

垂柳柴門傍水開啾啾野雀啄莓苔園林日午花爭發主不歸來客自來

田廣文藝衡

藝衡字子稊錢塘人學憲叔禾之子也十歲從其父過采石賦詩云白玉
樓成招太白青山相對憶青蓮製寥采石江頭月曾照仙人宮錦船性放
曠不羈好酒任俠善爲南曲小令晚歲以貢爲新安博士罷歸常衣絳衣
挾二繁游湖上逢好友則令小鬟進酒促膝談謠時時挾內人遍遊諸山
偶日暮不得巾車覓得一驥與內人共跨入城有留青日札在小說家

山中

避俗非遺世無材合背時獨居如我僻幽事與心宜算雨喧茶臼秋山落
研池臨風閑伐木猶自動遐思

遊三茅山訪鄭煉師

小隱居城市悠然寄一丘青山同入定黃葉自悲秋湖影搖晴搘鍾聲度
暝樓丹砂何日就期爾在玄洲

夜投禪院

暝暝溪路轉初月隱林間孤燈在深竹清流影前山倚樹露欲滴扣門僧正閒宿好雅相得明發何能還

雨中感懷寄諸故人

三十年來尚轉蓬學書學劍兩無功數椽茅屋寒江上一樹梅花細雨中
聞雁忽驚時序晚對山不覺酒船空高陽舊侶能相念冰底雙魚尺素通
塞下曲

黑風卷沙平太行驥門列戟龍秋霜敲冰飲馬萬里裂旄頭白日寒無光
胡笳叫角聲死短兵戰過父河水不恤身爲塞下烽孤光還照長城裏

戎政詩

大將新開戎政府門外列校如狼虎團營十二坐指揮此生焉能與儉伍
成寧旗偃虜騎來咸寧旗出虜騎回九廟震驚本兵死帳中歌舞方行杯
寵錫如山印如斗君恩愈深臣愈負免冠深戲屠酤兒駝韓屢納單于婦
平頭奴子腰盡黃不獨奉宮花底狂內家珠玉櫂櫂室鋪衣目側旋中傷
猿雞飛去癰疽潰萬病疽發時至中傷物而自落也曾公夏公來作祟
飛西北去謂是其去無期也

張華時自言見兩公來
韓詩告漢武安侯車

河岸言墜駕相移屣舉

九邊嬌妻稚子囊街懸誓書未及傳三葉血食寧知絕九淵郿塲空爲萬年計落花滿地朱門閨鷄鳴狗吠散如烟寵姬給配功臣第就裏尤誇俞七兒新人重事尚嬌痴閑裝寶束今何許玉帶曾勞柘柳枝七兒姓俞氏家叔洪定女也爭繁玉帶閨其嬌洪不與乃自製七寶闌裝金束其值蓋巨萬計云

錢塘門

雒陽曾聞北邙道浙江今見錢塘門朝朝五鼓靈輪發苦雨悲風愁斷魂西湖山中白楊樹今人古人幾丘土歟人白骨築新墳何遽今人不成古世人有死亦有生依然冠蓋滿杭城妖童艷妾不可保何況槐第連蒿塋湖上笙歌引紈縠一半驩娛一半哭狐狸衝出夜臺衣烏鵲亂撲春盤肉丈夫處世求榮多有身耐埋金匱羅雷霆不使人醉耳忍聽城門薤露歌

西湖題小桃王氏別館

柳外朱樓綉霞阿誰湖上浣春紗留人燕子初命子命讀作名燕聲以瑛面桃花恰始花猶蠻鯉薄未應來鄭下呢喃多是怨王家東風頻駐青

驄馬無那橋西酒旆斜

月夜即席示座客

雲散江城玉漏遲
月華浮動可憐宵停歌不飲君何待試問當年李玉簫
五簫蜀官人更唱王衍宮詞月華如水浸官殿有酒不醉真痴人之句

丘柳城雪齋

雲霄字凌漢崇安人嘉靖十七年貢士官南京國子監典簿遷廣西柳城
知縣歸隱于武夷嘗著武夷志

思家

木落愁遠山鄉心夜來絕不見渡溪人但見渡頭月高堂憶遠征妻孥望
天木舞衣生輕塵自貽此契闊白雲起江頭直向武夷沒

古溪

游子悲無褐寒風吹短樁問魚沽酒路隨犬到田茅屋依山靜溪橋逐
水斜逢人皆荷蓀相笑失生涯

錢塘

天隨望落低低鳥海欲潮生細細風裏遙客邊春夜冷夢依天末翠微重

雲深碧樹潭經濕日落清江半染紅愁倚西樓芳草合吳山越水算煙中

北固山江望

偶來結束成登眺獨立蒼茫散草愁地入秦淮千嶂出天分南北一江流

潮隨返照衝長島鳥入深雲是故丘自信久無苞鹿夢浮名應愧釣魚舟

春盡次淮上

南歸何處日孤征歸夢先春幾百程今日送春猶是客孤城寒雨不勝情

殘花

昨日看花花滿枝今朝爛漫點青池無情莫抱東風恨作意閒時是謝時

王舉人樂善

樂善字存甫霸州人萬曆乙卯鄉舉有扣角集多自傷不遇之意

春宮曲二首

燕語花飛正斷魂黃金枉費賦長吟淒涼莫恨嬪娟誤不嫁呼韓卽主恩
楊花風散滿池塘倚檻看來暗自傷紅粉爭如風裏絮化萍猶得傍蕢鶯

張祐詩見李子祀藝圃集唐張承古名祐而此君名祐字義迥別俗

人以爲同姓名可資一笑

閒詠

池上新荷綠映清白鷺飛採蓮人已去水面落紅衣

樵字時中休寧人其巫山高詩云月下人嗟夜夜樓江邊花發年年樹爲時人所稱

感遇

花暗重門燕遙采珠簾高捲簷金堂香雲縹渺來青墳初日玲瓏照寶妝蜀錦畫長鋪翡翠吳綾春暖臥鴛鴦含情飲恨風流盡笑殺羅敷自採桑

燕

阿幸樓君玳瑁梁轎薇花下趨餘香願教春色年年在不惜雙飛日日忙

聽查八十魏晉曾應詔教內人如唐之賀老晚流落江湖人多遺贈亦如開元之感也

新聲不及鬱輪袍空撥皮絃挂錦縫獨向月明彈一曲白頭雙泪落秋濤

汪山人賦

錢字伯耳號微人豪宕自命聊城傅光宅爲御史文厚出入其門致有煩

言光宅左遷耳伯下詔獄光宅抗疏自理有云臣爲友累不過貶官友爲臣累幾至卑命苟捷而論孰重孰輕時論譴之

寄伍雲

龍荒驅虜逐輕車麟閣論功鬢已華月照夜愁飛漢苑風吹寒夢落胡笳
年光祗見天連木春色空餘雪作花獨向窮邊留滯久青門閒殺故侯仄

侍柴荆

朝尋白雲去草將白雲歸寥寥窮巷中遙燈未掩扉

王貢士應辰

應辰字永嘉人嘉靖中貢士與陳海樵沈青門善侯「元序其詩

夜游曲

燕舞起香塵蠻歌出絳唇直須減銀燭恐有絕纓人

諸將二首

元戎授鐵爲防邊斥堠傳烽未息烟盡道長驅如衛霍何人起冢象祁連
群盜縦橫精將才紛紛白骨葬黃埃河誰騰上胡兒騎却引殘軍入塞來

中秋新月戲簡須彌仙

入幅方差攬不盈步橋始覺映前榮
惟豈是同胡騎陣偃由來學漢兵

張儒士金

金字伯堅江都人

雨中泊太倉州

太倉城河潮水生石橋西下官鼓鳴客子思家孤夢遙舟人刺船雙櫓輕
橫風利海浪作勢急雨過山雲不行暫時繫纜小港口城門擊柝聞初更
仙居吟

尋常不到山前路洞口閒雲盡日封時有聽經童子至不知身是石潭龍

古塘卽事

布穀聲中日又斜石橋流水兩三家鄉村春色無人管開盡棠梨幾樹花

田四科

四科字子哲江都人

旅館

旅館清尊日復斜鷗鷺啼處客思家晚來牆角臘脂雨落盡山桃滿樹花

陳秀才公綸

公綸字漁中臨海人自稱天台玉室道人有采碧集其自敘以爲本東野農夫因徙郡城誦讀爲章逢行跡不出其鄉獨六客錢塘平生好詩歌耽趨鵠自禁謾語以玉室名其詩不欲著其姓字云

自雲樓閒居

世事惟尊酒清狂寄海東濯纓千磽裏步屩萬花中放杖留青草將衣挂碧松西林雲寂寂到晚自鳴鐘

曉發剡山

曉發剡山路東方白尚微張燈沽酒店帶月旅人衣水遠孤舟渡煙空
雁飛及秋歸未得徒自憶山扉

秋日

落口驚衰柳西風倒病花物華推小院歲序轉枯槎野徑隨流曲山籬蓋雨斜幾廻同逸侶乞酒到勝家

山寺作

近郭叢林遠山環徑轉微溪光分石髮厓色亂苔衣樹密雲能度風聞鳥

便飛短藜看未足時傍夕陽歸

江上

愛鷗如有約同泛越江風極浦迴波勢脩林襲岸容孤帆春雨外短筇草
煙中坐久渾無事江頭數亂峰

夜坐

小坐欲更闌參虛神自閒風闌簷際幙月度水南山寒角城雲滿夜漁江
火還一尊如有待聞雁獨憑闌

高爐

爐字洪父揚州人

月明橋

何處月明橋花宮對浦潮卽今明月夜時有客吹簫

張秀才文介

文介字惟守龍游諸生王元美序其詩

吳江舟中

向夕問舟人吳江將至否須傍微月中繫船好沽酒

醉醒口號

夜分醉微醒山樓半衝月閨人猶未眠刀底着舞衣

鄭惟勉

惟勉字時成未詳邑人出金陵人明詩日抄有短歌云志士冥樓多苦辛懷書十上未聞秦蓋亦高才生而不遇者

寄衣曲

秋風連邊塞水葉下庭幃織就機中素裁爲萬里衣憂沉絲緒短汨漬線痕稀君休應如昔妾容今已非

春怨

玉砌纏青苔花落香泥濕下簾奏疋和春風復吹入

王秀才瑞

瑞字陝州新城人爲人豐頤雄辯氣岸豪舉年五十尚困諸生有課餘集自爲之序

春闌詞

十二闌千盪玉樓珠簾垂影控金鈎多情最是梁間燕泥軟花香去復留